


鍼

灸

聚

英

手厥陰心包絡經



心包絡右腎之配

心包絡在心下橫膜之上豎膜之下與橫膜相粘而黃脂裹者心也其脂膜之外有細筋膜如絲與心肺相連者心包也

滑氏云手厥陰心主又曰心包何也曰君火以名相火以位手厥陰代君火行事以用而言故曰手厥陰心主以經而言曰心包絡一經而二名實相火也

手厥陰經穴

手厥陰之脉起於胸中出屬心包下而歷絡三焦

手厥陰受足少陰之交起於胸中出屬心包由是下而歷絡於三焦之上腕中腕及臍下一寸下焦之分也

其支者循膻出脇下腋三寸上抵腋腋下循膈內行太陰

少陰之間入肘中

脇上際爲腋自屬心包上循胸出脇下腋三寸天池穴上行抵腋下下循臑內之天泉穴以介乎太陰少陰兩經之中間入肘中之曲澤也

下循行兩筋之間入掌中循中指出其端

由肘中下臂行臂兩筋之間循郄門間使內關大陵入掌中勞宮穴循中指出其端之中衝云

其支別者從掌中循小指次指出其端

小指次指無名指也自小指而逆數之則爲次指云其支別者自掌中勞宮穴別行循小指次指出其端而交於手少陽也

○此經多血少氣○戌時氣血注此○受足少陰之交

○凡九穴左右共一十八穴

天池

一名天會

腋下一寸乳後一寸着脇直腋腋肋間手足厥

陰少陽之會○銅人灸三壯鍼二分甲乙鍼七分○主

胸中有聲胸膈煩滿熱病汗不出頭痛四肢不舉腋下

腫上氣寒熱瘕瘕

天泉

一名天濕

曲腋下二寸舉臂取之○銅人鍼六分灸三壯

○主目眵眵不明惡風寒心病胸脇支滿欬逆膺背脾

臂內廉痛

曲澤○肘內廉下陷中屈肘得之心包絡脉所入爲合水

○銅人灸三壯鍼三分留七呼○主心痛善驚身熱煩

渴口乾逆氣嘔涎血心下澹澹身熱風胗臂肘手腕善

搖動搖頭清汗出不過肩傷寒逆氣嘔吐

却門○掌後去腕五寸手厥陰心包絡脉却○銅人鍼三分灸五壯○主嘔血衄血心痛嘔噦驚恐畏人神氣不足

間使○掌後三寸兩筋間陷中心包絡脉所行為經金○素註鍼六分留七呼銅人鍼三分灸五壯明堂七壯甲乙三壯○主傷寒結胸心懸如肌卒狂胸中澹澹惡風寒嘔沫怵惕寒中少氣掌中熱腋腫肘攣卒心痛多驚中風氣塞涎上昏危瘖不得語咽中如梗鬼邪霍亂乾嘔婦人月水不調血結成塊少兒客忤

內關○掌後腕二寸兩筋間與外關相抵手心主之絡別走少陽○銅人鍼五分灸三壯○主手中風熱失志心痛目赤支滿肘攣○實則心暴痛瀉之虛則頭強補之

大陵○掌後骨下兩筋間陷中手厥陰心包絡脉所注爲

俞土心包絡實瀉之○銅人鍼五分素註鍼六分留七

呼灸三壯○主熱病汗不出手心熱肘臂攣痛腋腫善

笑不休煩心心懸若飢心痛掌熱喜悲泣驚恐目赤目

黃小便如血嘔哕無度狂言不樂喉痺口乾身熱頭痛

短氣胸脇痛癰瘡疥癬○東垣曰胃氣下溜五藏氣亂

在於心者取之心主之俞大陵同精導氣以復其本位

勞宮一名五里
一名掌中○掌中央動脉銅人屈無名指取之資生

屈中指取之滑氏云以今觀之屈中指無名指兩者之

間取之爲尤心包絡脉所溜爲榮火○素註鍼三分留


六呼銅人灸三壯明堂鍼二分得氣即瀉只一度鍼過

兩度令人虛禁灸灸令人息肉日加○主中風善悲笑

不休手痺熱病數日汗不出怵惕脇痛不可轉側大小
便血衄血不止氣逆嘔噦煩渴飲食不下大小人口中
腥臭口瘡胸脇支滿黃疸目黃小兒齕爛

中衝○手中指端去爪甲角如韭葉陷中心包絡脉所出
爲井木心包絡虛補之○銅人鍼一分留三呼明堂灸
一壯○主熱病煩悶汗不出掌中熱身如火心痛煩滿
舌強

手少陽三焦經



三焦

石火命
門之府

三焦者水穀之道路氣之所終始也上焦者在心下下兩乳間在胃上口主內而不出其治在膻中玉堂下一寸兩乳間陷者中是也中焦者在胃中脘不上不下主腐熟水穀其治在臍旁下焦者當膀胱上口主分別清濁主內而出以傳道其治在臍下一寸故名三焦

三焦者決瀆之官水道出焉

滑氏曰三焦相火也火能火熟水穀萬物焦從火火亦腐物之氣命名取義或有在於此歟三焦有名無形又曰三焦者於兩膜脂膏之內五藏五府之隙水穀流化之關其氣融會於其間薰蒸兩膜發達皮膚分肉運行四旁上中下各隨其所屬部分而名之實元氣之別使

也是故雖無其形倚內外之形而得名雖無其實合內外之實而爲位者也

三因方云古人謂左爲腎藏其府膀胱右爲命門其府三焦三焦者有脂膜如手大正與膀胱相對有二白脉自中出夾脊而上貫於腦所以經云男子藏精女子繫胞以此推之三焦當如此說有形可見爲是扁鵲乃云三焦有位無形而叔和輩失其旨意遽云無狀有名俾後學承謬不已且名以召實無實奚名果無其形尚何藏精繫胞爲哉其所謂三焦者何也上焦在膻中內應心中焦在中脘內應脾下焦在臍下即腎間動氣分布人身上中下之異方人湛寂欲想不興則精氣散在二焦榮華百脉及其想念一起慾火熾然翕撮三焦精氣

流溢並於命門輸瀉而去故號此府為二焦耳世承叔和之弊而不悟可為長太息也初甚異其說及為齊從事以下醫說載之龍川志有一舉子徐遁者石守道之婿也少嘗醫療病有精思曰齊嘗大飢群丐相鬻而食有一人皮肉盡而骨脉全者視其五藏見右腎之下有脂膜如手大者正與膀胱相對有二白脉自其中出夾脊而上貫腦意此則導引家所謂夾脊雙關者而不悟脂膜如手大者之為三焦也所見默合可以證古人之謬

丹溪朱氏曰三焦以焦而下焦司肝腎之分皆陰而主乎下者也天非此火不能以生物人非此火不能以有生

手少陽三焦經穴

手少陽之脉起於小指次指之端上出次指之間循手表腕出臂外兩骨之間上貫肘

臂骨盡處爲臑臑盡處爲肘手少陽起小指次指之端關冲穴上出次指之間歷液間中渚循手表腕之陽池出臂外兩骨之間循外關支溝會宗三陽四瀆乃上貫肘抵天井穴也

循臑外上肩交出足少陽之後入缺盆交膺中散絡心包下膈循屬三焦

有肘之間臑下對腋處爲臑從天井上行循臂臑之外歷清冷淵消灤行太陽之裏陽明之外上肩循臂臑會肩髃天髃交出足少陽之後過秉風有井下入缺盆復由足陽明之外而交會於膺中散布絡繞於心包乃下

膈當胃上口以屬上焦於中脘以屬中焦於陰交以屬下焦也

其支者從臆中上出缺盆上項繫耳後直上出耳上角以屈下頰至頤

腦戶後爲項目下爲頤其支者從臆中而上出缺盆之外上項過大椎循天牖上耳後經翳風瘰脉顙息直上出耳上角至角孫過懸釐頤厭及過陽白睛明屈曲耳頰至頤會顙膠之分也

其支者從耳後入耳中至目銳眦

此支從耳後翳風穴入耳中過聽宮歷耳門未膠却出至目銳眦會瞳子膠循絲竹空而交於足少陽也

○此經多血少氣○亥時氣血注此○受手厥陰之交

○凡二十三穴左右共四十六穴

關衝○手小指次指之端去爪甲角如韭葉手少陽三焦
脉所出爲井金○銅人鍼一分留三呼灸一壯素註三
壯○主喉痺喉閉舌捲口乾頭痛霍亂胸中氣噎不嗜
食臂肘痛不可舉目生翳膜視物不明

液門○手小指次指間陷中握拳取之手少陽三焦脉所
溜爲榮水○素問銅人鍼二分留二呼灸三壯○主驚
悸妄言咽外腫寒厥手臂痛不能自上下痰瘖寒熱目
赤泣頭痛暴得耳聾齒齲痛

中渚○手小指次指本節後間陷中在腋門下一寸手少
陽三焦脉所注爲俞木○三焦虛補之○素註鍼二分
留三呼銅人灸三壯鍼三分明堂灸二壯○主熱病汗

不出目眩頭痛耳聾目生翳膜久瘥咽腫肘臂痛手五指不得屈伸

陽池

一名別陽

手表腕上陷中從指本節直摸下至腕中心手

少陽三焦脉所過爲原三焦虛實皆拔之○素註鍼二分留六呼灸三壯銅人禁灸指微賦云鍼透抵十陵穴不可破皮不可搖手恐傷鍼轉曲○主消渴口乾煩悶寒熱瘡或因折傷手腕捉物不得肩臂痛不得舉

外關○腕後二寸兩筋間陽池上一寸手少陽絡別走心主○銅人鍼三分留七呼灸二壯明堂三壯○主耳聾渾渾痺痺無聞五指盡痛不能握物○實則肘擎瀉之虛則不收補之

支溝

一名支溝

○腕後臂外三寸兩骨間陷中手少陽脉所行

爲經火○銅人鍼三分灸二七壯明堂五壯素註鍼二分留七呼灸三壯○主熱病汗不出肩臂痠重脇腋痛四肢不舉霍亂嘔吐口噤不開暴瘡不能言心悶不已卒心痛鬼擊傷寒結胸癰瘡疥癬婦人妊脈不通產後血運不省人事

會宗○腕後三寸空中一寸○銅人灸七壯明堂五壯禁鍼○主五癰肌膚痛耳聾

三陽絡通名臂上大交脈支溝上一寸○銅人灸七壯明堂五壯禁鍼○主暴瘡瘰耳聾嗜卧四肢不欲動搖○四瀆○在肘前五寸外廉陷中○銅人灸三壯鍼六分留七呼○主暴氣耳聾下齒齲痛

天井○肘外大骨後肘上一寸輔骨上兩筋叉骨罅中屈

肘拱胸取之甄權云曲肘後一寸叉手按膝頭取之兩
筋骨解中手少陽三焦脉所入爲合土三焦實瀉之○
素註鍼一寸留七呼銅人灸三壯明堂五壯鍼三分○
主心胸痛嗽嗽上氣短氣不得語唾膿不嗜食寒熱凄
淒不得卧驚悸癰瘰癧疾羊癰風痺耳聾噤腫喉痺汗
出目銳眦痛頰腫痛耳後臑臂肘痛捉物不得嗜臥撲
傷腰腕疼振寒頸項痛大風默默不知所痛悲傷不樂
脚氣上攻

清冷淵○肘上二寸伸肘舉臂取之○銅人鍼三分灸三
壯○主肩痺痛臂臑不能舉不能帶衣

消瘰○肩下臂外間腋斜肘分下○銅人鍼一分灸三壯
明堂鍼六分素註鍼五分○主風痺頸項強急腫痛寒

熱頭痛癰疾

臑會

一名交

有前腋去有頭三寸宛宛中手少陽陽維之會

○素註鍼五分灸五壯銅人鍼七分留三呼得氣即瀉灸七壯○臂痛痿無力痛不能舉寒熱有腫引肘中痛項癭氣瘤

肩髃○有端臑上陷中斜舉臂取之○銅人鍼七分灸三壯經堂五壯○主臂痛有重不能舉

天髃○有缺盆中上肢骨際陷中央須缺盆陷處上有空
之是穴手足少陽陽維之會○銅人鍼八分灸三
寸
之是穴盆陷上突起肉上鍼之若誤鍼陷處傷人五藏
卒死○主胸中煩悶肩臂痿痺缺盆中痛汗不
出胸中煩滿頸項急寒熱

天牖○頸大筋外缺盆上天容後天柱前完骨下髮際上
○銅人鍼一寸留七呼不宜補不宜灸灸即令人面腫
眼合先取譙謫後取天容天池即差若不鍼譙謫即難
療明堂鍼五分得氣即瀉瀉盡更留三呼瀉三吸不宜
補素註下經灸三壯資生云宜灸一壯三壯○主暴聾
氣目不明耳不聰夜夢顛到面青黃無顏色頭風面腫
項強不得回顧目中痛

翳風○耳後尖角陷中按之引耳中痛鍼經先以銅錢二
十文令患者咬之尋取穴中手足少陽之會○素註鍼
三分銅人鍼七分灸七壯明堂三壯刺灸俱令人咬錢
令口開○主耳鳴耳聾口眼喎斜頰頰腫口噤不開
不能言口吃牙車急小兒喜欠

瘰癧

一名耳本

後鵞足青絡脉○銅人刺出血如豆汁不

宜多出鍼一分灸三壯○主頭風耳鳴小兒驚癇瘰癧

嘔吐泄利無時驚恐瞽目睛不明

顙息○耳後間青絡脉中○銅人灸七壯禁鍼明堂灸三

壯鍼一分不得多出血多出血殺人○主耳鳴痛喘息

小兒嘔吐涎沫瘰癧發癇胸脇相引身熱頭痛不得卧

角孫○耳郭中間上髮際下開口有空手太陽手足少陽

之會○銅人灸三壯明堂鍼八分○主目生翳膚齒齬

腫唇吻強齒牙不能嚼物齬齒頭項強

耳門○耳前起肉當耳缺者陷中○銅人鍼三分留三呼


灸三壯下經禁灸有病者入不過三壯○主耳鳴如蟬聲

聾耳液汁出耳生瘡齒齬唇吻強


和膠○耳前銳髮下橫動脈手足少陽手太陽三脉之會
○銅人鍼七分灸三壯○主頭重痛牙車引急頸領腫
耳中嘈嘈鼻涕面風寒鼻準上腫癰痛招搖視瞻癢癢
口辟

絲竹空目一顴眉後陷中手足少陽脉氣所發○素註鍼三分
留六呼銅人禁灸灸之不幸使人目小及盲鍼三分
留三呼宜瀉不宜補○主目眩頭痛目赤視物眊眊不
明惡風寒風癰目戴上不識人眼睫倒毛發狂吐涎沫
發即無時偏正頭疼

膽



足少陽膽經



膽重三兩三銖長三寸在肝之短葉間盛精汁三合
膽者中正之宮喜樂出焉

膽爲清淨之府

諸府皆傳穢濁獨膽無所傳道故曰清淨膽汁減則目
昏又吐傷膽倒則視物倒植

膽爲青腸

足少陽膽經穴

足少陽之脉起於目銳眥上抵角下耳後

足少陽經起目銳眥之瞳子膠於是循聽會客主人上
抵頭角循頰厭下懸顙眩瞤由懸釐外循耳上髮際至
曲髻率谷由率谷外折下耳後循天衝浮白竅陰完骨
又自完骨外折循本神迴曲差下至陽白會睛明復從

精明上行循臨泣目窓正營承營腦六風池云

此經頭部自瞳子膠至風池九二十一穴作三折向外而行始瞳子膠至完骨是一折又自完骨外折上至陽白會精明是一折又自精明上行循臨泣風池是一折緣其穴曲折外多難爲科牽故以此作一至二十次第該之一瞳子膠二聽會三客主人四頤厭五懸顙六懸釐七曲髻八率谷九天冲十浮白十一竅陰十二完骨十三本神十四陽白十五臨泣十六目窓十七正營十八承靈十九腦戶二十風池

循頸行手少陽之前至肩上却交出手少陽之後入缺盆目風池循頸過天牖穴行手少陽之前下至肩上行肩井却左右交出手少陽之後過大椎大杼秉風當秉

風前入缺盆之外

其支者從耳後入耳中走耳前至目

銳眚後

此一節即手三焦交經同

其支者從耳後顙顙間過鬢風之分入耳中過聽宮出走耳前復自聽宮至目銳眚瞳子膠之分也

窅廣韻作力嘲切深空之貌即穴隙之謂也江西席

橫家鍼灸書中諸窅字作膠等一窅膠声相近而然今悉改定雖然所改有不盡者亦不必苦求之也

此本

其支者別目銳眚下大迎合于手少陽抵於頰下加頰車

下頸合缺盆以下胸中貫膈絡脾

兩膽

其支者別自目外瞳子膠而下大迎合手少陽於頰當

觀膠之分下臨頰車下頸循本經之前與前之入缺盆

者相合下胸中天地之外貫膈即期門之所絡肝下至

日月之分屬於膽也

循脇裏出氣衝繞毛際橫入髀厭中

脇肱也腋下一爲脇曲骨之分爲毛際毛際兩旁動脈中
爲氣衝提骨之下爲髀厭即髀樞也自屬膽處循脇內
章門之裏出氣衝遠毛際遂橫入髀厭中之環跳也
其直者從缺盆下腋循胸過季脇一合髀厭中以下循髀
陽出膝外廉

脇骨之下爲季脇此直者從缺盆直下腋循胸歷淵液
輒筋日月穴過季脇循京門帶脉五樞維道居髀入上
髀中髀長強而下與前之入髀厭者相合乃下循髀外
行太陽陽明之間歷中渚陽關出腓外廉抵陽陵泉也
下外輔骨之前直下抵絕骨之端下出外踝之前循足跗

上入小指次指之間

筋外為輔骨外踝以上為絕骨足面為跗自陽陵泉下外輔骨前歷陽交外丘尤明直下抵絕骨之端循陽輔懸鍾而下出外踝之前至丘墟循尺面之臨泣五會俠谿乃上入小指次指之間至竅陰而終也

其支者別跗上入大指之間循大指岐骨內出其端還貫入爪甲出二毛

足大指本節後為岐骨大指爪甲後為三毛其支者自足跗上臨泣穴別行入大指循岐骨內出大指端還貫入爪甲出三毛交於足厥陰也

○是經多氣少血○子持氣血注此○受乎少陽之交○四十三穴左右共八十六穴○刺深四分留五呼

瞳子膠

名太陽目外去睛五分手太陽手足少陽三脉

之會○素註灸三壯鍼三分○主目痒翳膜白青盲無

見遠視眵眵赤痛淚出多眵眵內皆痒頭痛喉閉

聽會○耳微前陷中上関下一寸動脉宛宛中張口得之

○銅入鍼七分留三呼得氣即瀉不須補日灸五壯止

三七十日後依前報灸明堂鍼三分灸三壯○主耳鳴

耳聾牙車曰脫相離三寸牙車急不得嚼物齒痛惡寒

物齒痛惡寒狂走癡癡恍惚不樂中風口喎斜手足不

隨

客主人上臨耳前起骨上廉開口有空張口取之乃得手

足少陽陽明之會○銅入灸七壯禁鍼明堂鍼一分留

之氣即瀉日灸七壯至二百下經灸一壯素註刺三

分留七呼灸三壯素問禁深刺深則交脉破爲內漏耳
聾又欠而不得效○主唇吻強上口眼偏邪青盲眇目
眈眈惡風寒牙齒齩口噤嚼物鳴痛耳鳴耳聾痰涎沫
出寒熱瘧引骨痛

額厭○曲周下顙顙上廉手足少陽陽明之交會○銅人
灸三壯鍼七分留七呼深刺令人耳聾○主偏頭痛頭
風目眩驚癇手拳手腕痛耳鳴目無見目外眥急好嚏
頸痛歷節風汗出

懸顙○曲角下顙顙上廉手足少陽陽明三脉之會○銅
人灸三壯鍼三分留三呼明堂鍼二分素註鍼七分留
七呼刺深令人耳無所聞○主頭痛牙齒痛面膚赤腫
熱病煩滿汗不出頭偏痛引目外眥赤身熱鼻淵濁下

不止傳為熱瘡瞤目

懸壺○曲角上顙額下厥手足少陽陽明四脉之會○銅人鍼三分灸三壯素註鍼三分留七呼○主面皮赤腫頭偏痛煩心不欲食中焦客熱熱病汗不出目銳皆赤痛

曲髻

一名曲髮

○在耳上髮際曲髻陷中鼓頷有空足太陽少

陽之會○銅人鍼三分灸七壯明下灸三壯○主頷頰腫引牙車不得開急痛口噤不能言頸項不得顧腦兩角痛為顛風引目眇

率谷○耳上入髮際寸半陷者死死中嚼而取之足太陽少陽之會○銅人灸三壯鍼三分○主疾氣耳痛腦兩角強痛頭重醉後酒風皮膚腫胃寒煩悶嘔吐

天衝○耳後髮際二寸耳上如前三寸足太陽二脉之會
○銅人灸七壯素註三壯鍼三分○主癩疾風瘧牙齦
腫善驚恐頭痛

浮白○耳後入髮際一寸足太陽少陽之會○銅人鍼三
分灸七壯明堂灸三壯鍼三分○主足不能行耳聾耳
鳴齒痛胸滿不得息胸痛頸項癭癰腫不能言肩臂不
舉發寒熱喉痺欬逆痰沫耳鳴嘈嘈無所聞

竅陰

一名枕骨

完骨上枕骨下動搖有空足太陽手足少陽之

會陳氏云髓會於骨髓屬腎主骨於足少陽無所關腦
爲髓海腦有枕骨穴則當會枕骨絕骨誤也髓病治此
按竅陰正足少陽經不知陳氏何以云此豈素問云枕
骨二穴者指督脉後頂腦戶而王註誤之歟○銅人

七壯甲乙灸五壯鍼四分素註鍼三分灸三壯○主四肢轉筋目痛頭項頷痛引耳嘈嘈耳鳴無所聞舌本出血骨勞癰疽發厲手足煩熱汗不出舌強脇痛欬逆喉痺口中惡苦之

完骨○耳後入髮際四分足太陽少陽之會○銅人鍼三分灸七壯素註留七呼灸三壯明堂鍼二分灸依年爲壯○主足痿失履不收牙車急煩腫頭面腫頸項痛頭風耳後痛煩心小便赤黃喉痺齒齲口眼喎斜癰疾本神○曲差旁一寸五分直耳上入髮際四分陽維脉所止○銅人鍼三分灸七壯○主驚癇吐涎沫頸項強急痛目眩胸相引不得轉側癰疾嘔吐涎沫偏風

陽白○眉上一寸直瞳子手足陽明少陽陽維五脉之會

○素註鍼三分銅人鍼二分灸三壯○主瞳子癢痛目上視遠視眴眴昏夜無見目痛目眇背腰寒慄重衣不得溫

臨泣○目上直入髮際五分陷中令患人正睛取穴足太陽少陽陽維之會○主目眩目生白翳目淚枕骨合顙痛惡寒鼻塞驚癇反視大風目外眦痛卒中風不識人目窓○臨泣後一寸足少陽陽維之會○銅人鍼三分灸五壯三度刺令人目大明○主目赤痛忽頭旋目眴眴遠視不明頭面浮腫頭痛寒熱汗不出惡寒

正營○目窓後一寸足少陽陽維之會○銅人灸五壯鍼三分○主目眩暝頭項偏痛牙齒痛唇吻急強齒齲痛承靈○正營後一寸五分足少陽陽維之會○主腦風頭

痛惡風寒熱鼻窒喘息不利

腦空

一名顙顙

承靈後一寸五分夾王枕骨下陷中足少陽陽

維之會○素註鍼四分銅人鍼五分得氣即瀉灸三壯

○主勞疾羸瘦體熱頸項強不得回顧頭重痛不可忍
目瞑心悸發即為顙風引目眇鼻痛○曹操患頭風發
即心亂目眩華佗鍼腦空立愈

按三國志曹操患頭風久不愈後陳琳草檄操見之
喜頓愈蓋喜則氣舒故頭風解也今醫家所載不同
豈佗愈後復發而然歟

風池○耳後顙顙後腦空下髮際陷中按之引於手中手
足少陽陽維之會○素註鍼四分甲乙鍼三分銅人鍼
七分留三呼灸三壯甲乙鍼一寸二分患大風者先補

後瀉少可患者以經取之留五呼瀉七吸灸不及鍼日
七壯至百壯○主洒淅寒熱傷寒溫病汗不出目眩苦
偏正頭痛瘖瘡頸項如拔痛不得回顧目淚出欠氣多
鼻鼾矧目內眦赤痛氣欬耳塞目不明腰背俱疼腰
偃僂引頸筋無力不收大風中風氣寒涎上不語昏危
瘳氣○東垣曰少陽頭痛風寒傷上邪從外入令人振
寒頭痛身痛惡寒治在風池風府○平安公患偏風甄
權鍼風池有腧曲池支溝五樞陽陵泉巨虛下廉即差
○仲景曰太陽病初服桂枝湯反煩不解者先刺風池
風府却與桂枝湯則愈

肩井

一名
臑井

○肩上陷中缺盆上大骨前一寸半以三指按
取當中指下陷中手足少陽足陽明陽維之會連入

五藏 ○甲乙灸五壯素註鍼五分若刺深令人悶倒
如悶倒連按三里下氣補之須臾甦九鍼肩井須補三
里否則防後卒中之患明堂鍼四分先補後瀉不宜灸
婦人墮胎微損手足弱者鍼肩井五差日灸七壯止二
百壯素註三壯○主中風氣塞涎上不語腎虛腰痛九
漏上氣短氣逆氣風勞百病撲傷腰髓疼頭項痛五勞
七傷頸項不得回顧臂轉痛悶兩手不得向頭婦人產
難墮胎後手足厥逆

淵液一名液下三寸宛宛中舉臂得之○銅人禁灸灸之
令人生腫蝕馬瘍內漬者死明堂鍼三分○主寒熱馬

瘍

取筋

名神光
名睛脈

○期門下五分陷中第三肋端橫直蔽骨

傍二寸五分上直兩乳側臥屈上足取之膽之募足太陽少陽之會○銅人灸五壯鍼五分素註七分○主太息善悲小腹熱欲走多唾言語不正四肢不收嘔吐宿汁吞酸

京門

一名氣府

○監骨下腰中季脇本夾脊腎之募○銅

人灸三壯鍼三分留七呼○主腸鳴小腸痛肩背寒瘞有胛內廉痛腰痛不得俛仰久立

帶脉○季脇下一寸八分陷中足少陽帶脉二脉之會○

銅人鍼六分灸五壯明堂灸七壯○主腰腹縱溶溶如囊水之狀婦人小腹痛裏急後重癰瘰月事不調赤白帶下

五樞○帶脉下三寸水道旁一寸半陷中足少陽帶脉二

經之會○銅人鍼一寸灸五壯明下三壯○主痲痺小
腸膀胱腎餘小腹痛陰疝兩辜丸上入腹婦人赤白帶
下裏急瘕瘕

維道○章門下五寸三分足少陽帶脉二經之會○銅人
鍼八分留六呼灸三壯○主嘔逆不止水腫三焦不調
不嗜食

居膠○章門下八寸三分監骨上陷中素註章門下四寸
三分足少陽陽維之會○銅人鍼八分留六呼灸三壯
○主腰引小腹痛肩引胸臂舉急手臂不得舉以至肩
環跳○髀樞中側卧伸下足屈上足以右手摸穴左搖撼
取之足少陽太陽之會○銅人灸五十壯素註三壯鍼
一寸留二呼灸三壯指微云已刺不可搖恐傷鍼○主

冷風濕痺不仁風疹遍身半身不遂腰膝痛蹇膝不得轉側伸縮○仁壽宮患脚氣偏風甄權奉勅鍼環跳陽陵泉陽輔巨虛下廉而能起行○環跳穴痛恐生附骨疽

中瀆○髀外膝上五寸分肉間陷中足少陽絡別走厥陰○銅人灸五壯鍼五分留七呼○主寒氣客於分肉間攻痛上下筋痺不仁

陽關一名陽陵泉上三寸犢鼻外陷中○鍼入鍼五分禁灸○主風痺不仁膝痛不可屈伸

陽陵泉○膝下一寸肱外廉陷中蹲坐取之膽脉所入爲合土○難經曰筋會陽陵泉疏曰筋病治此○銅人鍼六分留十呼得氣即滿又宜久留鍼灸七壯至七七壯

素註三壯明下一壯○主膝伸不得屈髀樞膝骨冷痺
脚氣膝股內外廉不仁偏風半身不遂脚冷無血色苦
噬山介然頭面腫足筋攣

陽交

一名別陽一名足竅

○足外踝上七寸斜屬二陽分肉之間陽

維之郄○銅人鍼六分留七呼灸三壯○主胸滿腫膝
痛足不收寒厥驚狂痲痺面腫

外丘○外踝上七寸○銅人鍼三分灸三壯○主胸脹滿
膚痛痠痺頸項痛惡風寒猘犬傷毒不出發寒熱癰疾

小兒龜胸

光明○外踝上五寸足少陽之絡別走厥陰○銅人鍼六
分留七呼灸五壯明下七壯○主淫瀼脛痠胫疼不能
久立熱病汗不出卒狂○虛則痠痺坐不能起補之實

則足筋熱膝痛身體不仁善啗煩瀉之

陽輔

一名分肉

○足外踝上四寸輔骨前絕骨端三分去丘墟

七寸足少陽膽脉所行為經火膽實瀉之○難經曰髓會絕骨疏云髓病治此難經本義曰絕骨一名陽輔表氏曰足能健步以髓會絕骨也諸髓皆屬於腎故為髓會素註鍼三分又曰鍼七分留十呼銅人灸三壯鍼五分留七呼○主腰溶溶如坐水中膝下膚腫筋攣百節痠疼實無所知諸節盡痛痛無常處腋下腫痠喉痺馬刀挾腰膝筋痠風痺不仁厥逆口苦太息心脇痛面塵頭角領痛目銳眦痛缺盆中腫痛汗出振寒瘡胸中脇肋髀膝外至絕骨外踝前 痛善潔面青

懸鐘

一名足外踝上

五寸動脉中鍼灸經尋摸大骨者乃

是絕骨兩分開足三陽之大絡按之陽明脉絕乃取之
前尋摸絕骨間尖如前離三分高一寸許是陽輔穴後
尋摸絕骨間尖筋骨縫中是懸鐘穴按之陽明脉止乃
取之足三陽之大絡○銅人鍼六分留七呼灸三壯指
微云斜入鍼二寸許灸七壯或三壯○主心腹脹滿胃
中熱不嗜食脚氣膝脰痛筋骨攣痛足不收逆氣虛勞
寒損憂恚心中欬逆泄注喉痺頸項強腸痔瘕血陰急
鼻衄腦疽大小便澀鼻中乾煩滿狂易中風手足不隨
丘墟○足外踝下如前陷中骨縫中去臨泣三寸又夾谿
穴中量上外踝骨前五寸足少陽脉所過爲原膽虛實
一皆拔之○銅人灸三壯素註鍼五分留七呼○主胸脇
滿痛不得息久瘡振寒腋下腫痿厥坐不能起解樞中

痛目生翳膜腿肘痠轉筋卒疝小腹堅寒熱頸腫腰膀
疼善太息

臨泣○足小指次指本節後間陷中去夾谿一寸五分足
少陽膽脉所注爲俞木○甲乙鍼二分留五呼灸三壯
○主胸中滿缺盆中及腋下馬刀瘍痿善噉頰天牖中
腫淫漈筋痠目眩枕骨合顙痛洒淅振寒心痛周痺痛
無常處厥逆氣喘不能行瘖瘡目發婦人月事不利季
脇支滿乳癰

地五會○足小指次指本節後陷中去夾谿一寸銅人鍼
一分禁灸灸之令人羸瘦不出三年卒○主腋痛內損
唾血足外無膏澤乳癰


夾谿○足小指次指岐骨間本節前陷中足少陽膽脉所

溜為榮水膽實則瀉之○素註鍼三分留三呼灸三壯
○主胸脇支滿寒熱傷寒熱病汗不出目外眦赤目眩
頰頰腫耳聾胸中痛不可轉側痛無常處○東垣曰先
師潔古病苦頭痛發時兩頰青黃眩暈目不欲開懶言
身體沉重兀兀欲吐此厥陰太陰合病名曰風痰灸夾
谿服局方玉壺丸愈

竅陰○足小指次指之端去爪甲角如韭葉足少陽膽脉
所出為井金○素註鍼一分留一呼甲乙留三呼灸三
壯銅人灸三壯鍼二分○主脇痛欬逆不得息手足煩
熱汗不出轉筋癰疽頭痛心煩喉痺舌強口乾肘不可
舉卒聾不聞人語魘夢自痛小背痛○少陽根於竅陰
結於窓籠窓籠者耳中也又曰少陽為樞樞折即骨繇

而不安于地故骨繇者取之少陽視有餘不足骨繇者
節緩而不取也所謂繇者搖故也當窮其本也

今按病筋痿而腫掉者當取蠶膝然蠶籠但窓籠未有
所考恐是太陽小腸聽宮是蓋手足太陽少陽三脉
之會否則聽會未可知侯當別考



左三葉

右四葉

足厥陰肝經



肝重四斤四兩左三葉右四葉共七葉附着於脊之第九椎其治在左其藏右在腎之前並胃

東方青色入通於肝開竅於目藏精於肝其病發驚駭其味酸其類草木其畜雞其穀麥其應四時上爲歲星是以知春氣在頭也其音角其數八是以知病之在筋也其臭臊其聲呼其液泣其色青

東方生風風生木木生酸酸生肝肝主筋筋生心肝主目其在天爲玄在人爲道在地爲化化生五味道生知玄生神神在天爲風在地爲木在體爲筋在藏爲肝在色爲蒼在音爲角在聲爲呼在變動爲握在竅爲目在味爲酸在志爲怒怒傷肝悲勝怒風傷筋燥勝風酸傷筋辛勝酸肝者將軍之官決斷行焉

肝者巖極之本魂之居也其華在爪其充在筋以生血氣
此為陽中之少陽通於春氣○肝之合筋也其榮在爪其
主肺也

肝氣通於目目和則知黑白矣知常作見

肝氣虛則夢見菌香生草得其時則夢伏樹下不敢起春

月

人卧則血歸於肝目受血而能視足受血而能步掌受血
而能握指受血而能攝○肝色青欲如蒼璧之澤不欲如

藍已上俱素問

肝青象木木得水而浮肝得水而沉何也然肝者非為純
木也乙角也大言陰與陽小言夫與婦釋其微陽而吸其
微陰之氣其意樂金又行陰道多故令肝得水而沉妻從

肝也肝熱而反汗者乙當歸甲極而反也

經

肝有兩葉何也然肝者東方木也春也萬物始生其尚幼
小意無所親去太陰尚近冬離太陽不遠夏猶有兩葉亦
應木也

經

肝氣絕則筋縮引卵與舌卷肝者筋之合也筋者聚於陰
器而絡於舌本故脉不榮則筋縮急筋縮急則引卵與舌
故舌卷卵縮此筋先死庚日篤辛日死

足厥陰肝經穴

足厥陰之脉起於大指聚毛之際上循足跗上廉去內踝
一寸足大指甲後爲三毛三毛後橫紋爲聚毛去相去
也足厥陰起於大指聚毛之大敦穴循足跗上廉歷行
間太衝抵內踝一寸之中封也

上踝八寸交出太陰之後上臍內廉

自中封上踝過三陰交歷蠡溝中都復上一寸交出太陰之後上臍內廉至膝關曲泉

循股入陰中環陰器抵小腹挾胃屬肝絡膽

解內爲股臍下爲小腹由曲泉上行循股內之陰包五里陰廉遂當冲門府舍之分入陰毛中左右相交環遶陰器抵小腹而上會曲骨中極關元復循章門至期門之所挾胃屬肝下日月之分絡於膽也

上貫膈布脇肋循喉嚨之後上入頄頰連日系上出頄與督脉會於顙

目內深處爲系頄頰咽頄也自期門上貫膈行食竇之外大包之裏散布脇肋上雲門淵液之間入迎之外循

喉龍之後上入頰頰行大迎地倉四白陽白之外連目
系上出額行臨泣之裏與督脉相會於顛頂之百會也
其支者從目系下頰裏環唇內

前此連目系上出額此支從目系下行任脉之外本經
之裏下頰裏交環於唇口之內

其支者復從肝別貫膈上注肺

此經之支從期門屬肝處別貫膈行食竇之外本經之
裏上注肺下行至中焦挾中脘之分以交於手太陰也
○是經多血少氣○丑時氣血注此○受足少陽之交
○凡一十三穴左右共二十六穴○刺深一分留二呼
大敦○足大指端去爪甲如韭葉交三毛中一云內側爲
隱白外側爲大敦足厥陰肝脉所出爲井水○銅人鍼

二分留十呼灸三壯○主五淋卒疝七疝小便數遺不禁陰頭中痛汗出陰上入小腹陰偏大腹臍中痛悒悒不樂病左取石病右取左腹脹腫病小腹痛中熱喜寐尸厥狀如死人婦人血崩不止陰挺出陰中痛

行間○足大指縫間動脈應手陷中足厥陰肝脈所流為榮火肝實則瀉之○素註鍼三分銅人灸三壯鍼六分留十呼○主嘔逆洞泄遺溺癃閉消渴嗜飲善怒四肢滿轉筋胸脇痛小腹腫欬逆嘔血莖中痛腰疼不可俛仰腹中脹小腸氣肝心痛色蒼蒼如死狀終日不得息癰疾短氣便溺難七疝寒疝中風肝積肥氣發瘕瘕婦人小腹腫面塵脫色經血過多不止崩中小兒急驚風○東垣曰前陰臊臭前陰者足厥陰脈絡循陰器出挺

末凡臭心之所主入肝爲臊於肝經瀉行間是治本後
於心經瀉少衝是治標

按難經謂肝臭臊心臭焦脾臭香肺臭腥腎臭腐五
藏各有臭而皆心主之故瀉行間爲治本次瀉少衝
是治標試効方序中治腋臭亦同此法蓋腋下是極
泉穴心脉所發腋臭亦屬臊故治法與前陰臊臭不
殊藥用柴胡草龍膽車前子黃連以瀉心肝二經也
太衝○足大指本節後二寸或云一寸半內間動脉應手
陷中足厥陰肝脉所注爲俞土○素問女子二七太衝
脉盛月事以時下故能有子又診病人太衝脉有無可
以訣死生○銅人鍼三分留十呼灸三壯○主心痛脉
弦馬黃瘟疫肩腫吻傷虛勞浮腫腰引小腹痛兩丸塞

縮澹泄遺溺陰痛面目蒼色胸脇支滿足寒肝心痛蒼
然如死狀終日不休息大便難便血小便淋小腸疝氣
痛嘔疝小便不利嘔血嘔逆發寒噤乾善渴肘腫內踝
前痛淫漑筋痠腋下馬刀瘍痿唇腫女子漏下不止小
兒卒疝

中封

一名泉

○足內踝骨前一寸筋裏宛宛中素註一寸半

仰足取陷中伸足乃得之足厥陰肝脉所行為經金○
銅人鍼四分留七呼灸三壯○主瘖瘡色蒼蒼振寒
小腹腫痛食快快繞臍痛五淋不得小便足厥冷身黃
有微熱不嗜食身體不仁寒疝腰中痛或身微熱痿厥
失精筋攣陰縮入腹相引痛

蠱溝

一名交溝

○內踝上五寸足厥陰絡別走少陽○銅人鍼

二分留三呼灸三壯下經灸七壯○主疝痛小腹脹滿
暴痛如癢閉數噫恐悸少氣不足悵悵不樂咽中悶如
有息肉背拘急不可俛仰小便不利臍下積氣如石足
脛寒痠屈伸難女子赤白淫下月水不調○氣逆則鼻
九卒痛實則撻長瀉之虛則暴瘵補之

中都一名○內踝上七寸胛骨中與少陰相直○銅人鍼
三分灸五壯○主腸辟瘡疝小腹痛不能行立脛寒婦
人崩中產後惡露不絕

膝關○犢鼻下二寸傍陷中銅人鍼四分灸五壯○主風
痺膝內麻痛引臍不可屈伸咽喉中痛

曲泉○膝股上內側輔骨下大筋上小筋下陷中屈膝橫
文頭取之足厥陰肝脉所入爲合水肝虛則補之○銅

人鍼六分留十呼灸三壯○主癰疽陰股痛小便難腹
脇支滿膝閉少氣洩利四肢不舉實則身目眩痛汗不
出目眈眈膝關痛筋攣不可屈伸發狂衄血下血喘呼
小腹痛引咽狹房勞失精身體極痛洩水下痢膿血陰
腫陰莖痛筋腫膝脛冷疼女子血瘕按之如湯侵股內
小腹腫陰挺出陰瘻

陰包○膝上四寸股內廉兩筋間蹠足取之看膝內側必
有槽中○銅人鍼六分灸三壯下經七分○主腰尻引
小腹痛小便難遺溺婦人月水不調

五里○氣衝下三寸陰股中動脉應手○銅人鍼六分灸
五壯○主腸中滿熱閉不得溺風勞嗜卧

陰廉○羊矢下去氣衝二寸動脉中○銅人鍼八分留七

呼灸三壯至婦人絕產若未經生產者灸三壯即有子

章門

名長平
名脇髀

大橫外直季脇肋端臍上二寸所旁九

十側卧屈上足伸下足舉臂取之又云肘尖盡處是穴

脾之募足少陽厥陰之會○難經藏會章門疏曰藏病

治此○銅人鍼六分灸百壯明堂日七壯止五百壯素

註鍼八分留六呼灸三壯○主腸鳴盈盈然食不化脇

痛不得卧煩熱口乾不嗜食胸脇痛支滿喘息心痛而

嘔吐逆飲食却出腰痛不得轉側腰脊冷疼溺多白濁

傷飽身黃瘦實脈於聚腹腫如鼓脊強四支懈惰善恐

少氣厥逆肩臂不舉○東垣曰氣在於腸胃者取之太

陰陽明不下取三里章門中脘○魏士珪妻徐病疝自

臍下上至於心皆脹滿嘔吐煩悶不進飲食滑伯仁曰

此寒在下無爲灸章門氣海

期門○直乳二肋端不容傍一寸五分又曰乳直下一寸

半肝之募足厥陰太陰之會○銅人鍼四分灸五壯○

主胸中煩熱實脉上下目青而嘔霍亂洩利腹堅硬大

喘不得安卧脇下積氣傷寒心切痛喜嘔酸食飲不下

食後吐水胸脇痛支滿男子婦人血結胸滿面赤大燥

口乾消渴胸中痛不可忍傷寒過經不解熱入血室男

子則由陽明而傷下血譫語婦人月水適來邪乘虛而

入及產後餘疾○仲景曰傷寒腹滿譫語寸脉微而緊

此肝乘脾也名曰縱刺期門傷寒發熱噤齋惡寒大渴


欲水其腹必滿自汗出小便利其病欲解肝乘肺也名

曰橫刺期門又曰太陽與少陽併病頭項強痛或弦胃

時如結胸心下否鞭者當刺大椎第一間肺俞肝俞慎不可發汗發汗則譫語五六日譫語不止當刺期門又曰婦人中風發熱惡寒經水適來得之七八日熱除而脉遲身涼胸脇下滿如結胸狀譫語者此爲熱入血室當刺期門又曰陽明病下血譫語者爲熱入血室但頭汗出者刺期門○王叔和曰少陰脉不至腎氣微少精血奔氣促迫上入胸膈宗氣反聚血結心下陽氣退下熱歸陰股與陰相動令身不仁此爲尸厥當刺期門巨闕○一婦人患熱入血室醫者不識許學士曰小柴胡已遲當刺期門予不能鍼請善鍼者鍼之如言而愈按傷寒發熱蓄蓄惡寒大渴飲食腹滿至於自汗出則表已解小便利則裏自和故仲景曰其病欲解當

侯其自愈且肝乘肺爲侮所不勝故曰橫今詳文義
刺期門三字疑衍故丹溪謂羅成之曰仲景書非全
書其間或文有不倫或意有未盡吾每思之不能以
無疑此之謂歟

督脉經穴圖



督脉經穴

督脉者起於下極之脢

下極之脢兩陰之間屏翳處兩筋間為篡篡內深處為下極督脉之所始也

並於脊裏上至風府入腦上巔循額至鼻柱屬陽脉之海也

脊之為骨九二十椎通項骨三椎共二十四椎自屏翳而起歷長強穴並脊裏而上行循腰脢陽關命門懸樞脊中筋縮至陽陵臺神道身柱過風門循陶道大椎痲門至風府入腦循腦戶強間後頂上巔至百會前項顙會上星神庭循額至鼻柱經素膠水溝兌端至顴交而終焉云陽脉之海者以人之脉絡周流於諸陽之分譬

猶水也而督脉則為之都綱故曰陽脉之海

○行背脊中一行○凡二十七穴

長強一名氣之陰脊骶骨端計三分伏地取之乃得足少

陰少陽結會督脉別走任脉○銅人鍼三分轉鍼以大

痛為度灸不及鍼日灸三十壯止二百壯此痔根本甲

乙鍼二分留七呼明堂灸五壯○主腸風下血久痔瘻

腰脊痛狂病大小便難頭重洞泄五淋痺餅下部隱小

兒顛陷驚癇癰癰嘔血驚恐失精瞻視不正○實則脊

強瀉之虛則頭腫補之

腰膂一名背脊一名腰脊○二十一椎節下間宛宛中以

挺身伏地舒身兩手相重支額縱四體後乃取其穴○

銅人鍼八分留三呼瀉五吸灸七壯至七七壯甲乙鍼

二分留七呼灸七壯忌房勞舉重強力明堂灸三壯下
經灸五壯素註鍼一分又云二寸○主腰體腰脊痛不
得俛仰溫瘡汗不出足清不仁傷寒四肢熱不已婦人
月水閉溺赤○宋徐秋夫聞鬼斛斯泣腰痛縛草作人
令依之鍼腰俞肩井明日一人謝云蒙君救濟忽不見
按秋夫療鬼事涉怪誕然左氏記彭生子產立伯有
理或有姑錄以傳聞見

陽關○十六椎節下間坐取之○銅人鍼五分灸三壯○
主膝外不可屈伸風痺不仁筋掣不行

命門

一名
腰脊

○十四椎節下間伏取之○銅人鍼五分灸二

壯○主頭痛如破身熱如火汗不出寒熱痰瘕腰腹相
引背蒸五藏熱小兒發癰張口搖頭身反折角弓

懸樞○十三椎下伏取之○銅人鍼三分灸三壯○主腰脊強不得屈伸積氣上下行水穀不化下痢腹中留疾脊中一名神宗○十一椎節下間俛取之○銅人鍼五分得氣即瀉禁灸灸之令人腰偃僂○主風癰癩邪黃疸腹滿不嗜食五痔便血溫病積聚下利小兒脫肛○素問刺中髓爲偃行鍼宜慎之

筋縮○九椎節下間俛取之○銅人鍼五分灸三壯明下灸七壯○主顛疾狂走脊急強目轉反戴上視目瞤癇病多言心痛

至陽○七椎節下間俛取之○銅人鍼五分灸三壯明下灸七壯○主腰脊痛胃中寒氣不能食胸脇支滿身羸瘦背脊氣上下行腹中鳴寒熱解體淫瀼脛痠四肢重

痛少氣難言卒疰攻心胸

靈臺○六椎節下間俛取之○銅人缺治病見素問

按靈臺一穴諸書缺主治資生經集銅人千金外臺
明堂亦無攷惟曰見素問攷之素問經文無所載王
冰注中惟言宛穴所在而已主治亦未之見竊意諸
書豈因靈道靈墟名治相混而誤沒歟先儒謂心曰
靈臺經謂心者君主之官神明出焉豈主病同手少
陰神門而鍼刺淺深艾壯多寡同至陽神道歟或曰
手少陰神門主心矣於督脉何與而六椎節下又屬
之心心之所出何多邪曰督爲陽脉之都綱猶五藏
既有俞在背而督又處太陽之中故太陽有腎俞而
督有命門靈臺爲心無疑如紫微垣有天皇大帝矣

心中星又爲帝星太微垣又有帝座天市垣又有帝
星蓋心爲一身之主如帝王警蹕所至曰行在所也
曰論語示闕入春秋存夏五子何偕焉若此曰安國
以郭公爲號公晦庵補格致於大學將以明經也

神道○五椎節下間俛取之○銅人灸七七壯止百壯明
下灸三壯鍼五分千金灸五壯○主傷寒發熱頭痛進
退往來痰瘡恍惚悲愁健忘驚悸失欠牙車蹉張口不
合小兒風癰

身柱○三椎節骨下關俛取之○銅人鍼五分灸七七壯
止百壯明堂灸五壯下經三壯○主腰脊痛癰病狂走
瘰癧怒欲殺人身熱妄言見鬼小兒驚癰○難知云治
洪長伏二脉風癰驚癰發狂惡人與火灸三椎九椎

陶道○大椎下間俛取之足太陽督脉之會○銅人灸五
壯鍼五分○主痲癰寒熱洒淅脊強煩滿汗不出頭重
日暝瘈瘲恍惚不樂

大椎○一椎上陷者宛宛中手足三陽督脉之會○銅人
鍼五分留三呼瀉五吸灸以十年爲壯○主肺脹脇滿
嘔吐上氣五勞七傷乏力溫瘧瘵瘵氣注背膊拘急頸
項強不得回顧風勞食氣骨熱前板齒燥○仲景曰太
陽與少陽併病頸項強痛或眩冒時如結胸心下否鞭
者當刺大椎第一間

痲門

一名舌厭一名舌橫一名瘡門

○在項風府後一寸入髮際五分項

中央宛宛中仰頭取之督脉陽維之會入繫舌本素註
鍼四分銅人鍼三分可繞鍼八分留三呼瀉五吸瀉盡

更留鍼取之禁灸灸之令人噎○主舌急不語重舌諸
陽熱氣盛衄血不止寒熱風痺脊強反折癱瘓癲疾頭
重風汗不出

風府一名○項後入髮際一寸大筋內宛宛中疾言其肉
立起言休立下足太陽督脉陽維之會○銅人鍼三分
禁灸灸之使人失音明堂鍼四分留三呼素註鍼四分
○主中風舌緩不語振寒汗出身重惡寒頭痛項急不
得回顧偏風半身不遂鼻衄咽喉腫痛傷寒狂走欲自
殺目妄視頭中百病馬黃黃疸○仲景曰太陽病初服
桂枝湯反煩不解先刺風池風府○岐伯曰巨陽者諸
陽之屬也其脉連府故爲諸陽主氣○資生云風府者
傷寒所自起北人以毛皮裹之今之醫南人怯弱者亦

以帛護其領今護領乃云蔽垢膩實存名亡矣○瘡論
曰邪客於風府循膂而下衛氣一日夜大會於風府明
日日下一節故其作晏每至於風府則腰理開腰理開
則邪氣入邪氣入則病作以此日作稍益晏也其出於
風府日下一節二十五日下至骺骨二十六日入於脊
內故日作益晏也○東垣曰少陽頭痛治在風池風府
按風府禁灸灸項疽發於腦之下項之上此正風府
穴分也東垣先用火攻之策以大炷艾如兩核許者
攻之至百壯豈瘡家與諸病異治歟

腦戶一台駟○枕骨上強間後一寸半足太陽督脉之會○
銅人禁灸灸之令人癰或灸七壯晏灸令人瘖明堂鍼
三分素註鍼四分素問刺腦戶入腦立死○主面赤目

黃面痛頭重腫痛癭瘤

按腦戶一穴資生明堂素問所論深鍼妄灸醫家當知所戒矣

強間

一名大羽

○後頂後一寸半○銅人鍼二分灸七壯明堂

灸五壯○主頭痛目眩腦旋煩心嘔吐眩暈項強狂走
不卧

後頂

一名交衝

○百會後一寸半枕骨上○銅人灸五壯鍼二

分明堂鍼四分素註三分○主頭項強急惡風寒風眩
目眈眈額顙上痛歷節汗出狂走癲疾不卧癰發癭癰
頭偏痛

百會

一名三陽五會一名巔上一名天滿

○前頂後一寸五分頂中央旋毛

中可容豆直兩耳尖性理北溪陳氏曰畧退壯子猶天

之極星居北手足三陽督脉之會○素註鍼二分銅人
灸七壯止七七壯凡灸頭頂不得過七壯緣頭頂皮薄
灸不宜多鍼二分得氣即瀉又素註刺四分○主頭風
中風言語蹇澁口禁不開偏風半身不遂心煩悶驚悸
健忘忘前失後心神恍惚無心力疼癱脫肛風癰青風
心風角弓反張羊鳴多哭語言不擇發時即死吐沫汗
出而嘔飲酒面赤腦重鼻塞頭痛目眩食無味百病皆
治○魏太子尸厥扁鵲取三陽五會有間太子甦○唐
高宗頭痛秦鳴鶴曰宜刺百會出血武后曰豈有至尊
頭上出血之理已而刺之微出血立愈

前項○額會後一寸半骨間陷中○銅人鍼一分灸三壯
止七七壯素註刺四分○主頭風目眩面赤腫水腫小

兒驚癇瘈瘲腫

顙會○上星後一寸陷中○銅人灸二七壯至七七壯初
灸不痛病去即痛痛止灸鍼二分留三呼得氣即瀉八
歲已下不得鍼緣顙門未合刺之恐傷其骨令人夭素
註鍼四分○主腦虛冷或飲食酒過多腦疼如破衄血
面赤暴腫頭皮腫生白屑風頭眩顙青目眩鼻塞不聞
香臭驚悸目戴上不識人

上星

一名神堂

○神庭後人髮際一寸陷中容豆○素問鍼三

分留六呼灸五壯銅人鍼四分以細三稜鍼宣泄諸陽
熱氣無令上衝頭目○主面赤腫頭風頭腫皮腫面虛
鼻中息肉鼻塞頭痛痰癰振寒熱汗不出目眩目睛痛
不能遠視口鼻出血不止

神庭○直鼻上入髮際五分足太陽督脉之會○素註三
壯銅人灸二七壯止七七壯禁鍼鍼發發狂目失睛○
主登高而歌棄衣而走角弓反張吐舌癲疾風癰戴目
上視不識人頭風目眩鼻出清涕不止目淚出驚悸不
得安寢嘔吐煩滿寒熱頭痛喘渴○張子和曰目痛目
腫醫瞳鍼神庭上星顙會前頂醫者可使立退腫者可
使立消

素膠一名面正○鼻柱上端準頭○外臺不宜灸鍼一分素註
三分○主鼻中息肉不消多涕生瘡鼻塞喘息不利鼻
啞辟熱衄

水溝一名人中○鼻柱下人中近鼻孔陷中督脉手足陽明之
會○素註鍼三分留六呼灸三壯銅人鍼四分留五呼


得氣即瀉灸不及鍼日灸三壯明堂日灸三壯至二百壯下經灸五壯○主消渴飲水無度水氣遍身腫失笑無時癰癰語不識尊卑乍哭乍喜中風口禁牙關不開面腫唇動狀如虫行卒中惡鬼擊喘渴目不可視黃疸馬黃瘟疫通身黃口喎僻

兌端○唇上端○銅人鍼二分灸三壯○主癰疾吐沫小便黃舌乾消渴衄血不止唇吻強齒齦痛鼻塞痰涎口噤鼓頷

斷交○唇內齒上斷縫中任督足陽明之會○銅人鍼三分灸三壯○主鼻中息肉蝕齶鼻塞不利額頰中痛頸項強目淚眇汁內眚赤痒痛生白翳面赤心煩馬黃黃疸寒暑溫疫○二十九難曰督之爲病脊強而厥又曰

其受邪氣而則腫熱射之也

奇經任脉穴圖



任脉經穴

任脉者起於中極之下以上毛際循腹裏上關元至喉嚨屬陰脉之海也

任之爲言妊也行腹部中行爲婦人生養之本奇經之一脉也任與督一源而二岐督則由會陰而行背任則由會陰而行腹夫人身之有任督猶天地之有子午也人身之任督以臍背言天地之子午以南北言可以分可以合者也分之以見陰陽之不雜合之以見渾淪之無間一而二二而一者也任脉起於中極之下會陰之分也由是循曲骨上毛際至中極行腹裏上循關元石門氣海陰交神闕水分下脘建里中脘上脘巨闕鳩尾中庭膻中玉堂紫宮華蓋璇璣天突廉泉上順循承漿

環唇上至斷交分係兩目下之中央會承泣而終也云
陰脉之海者亦以人之脉絡周流於諸陰之分譬猶水
也而任脉則爲之總會焉故曰陰脉之海

○行腹中一行凡三十四穴

會陰

一名屏翳

○兩陰間任督衝三脉所起督由會陰而行背

任由會陰而行腹衝由氣衝行足少陰○銅人灸三壯

指微禁鍼○主陰汗陰頭疼陰中諸病前後相引不得

大小便陰端寒衝心竅中熱皮疼痛穀道搔癢久痔相

通女子經水不通陰門腫痛○卒死者鍼一寸補之溺

死者令人倒臥出水鍼補尿屎出則活餘不可鍼

曲骨○橫骨上中極下一寸毛際陷中動脉應手足厥陰

任脉之會○銅人灸七壯至七七壯鍼二寸素註鍼六

分留七呼又云鍼一寸○主失精五藏虛弱虛乏冷極
小腹脹滿小便淋瀝不通癰疔小腹痛婦人赤白帶下
中極一名王泉○關元下一寸臍下四寸膀胱之募足三
陰任脉之會○銅人鍼八分留十呼得氣即瀉灸百壯
明堂灸不及鍼日三七壯下經灸五壯○主冷氣積聚
時上衝心腹中熱臍下結塊責脉搶心陰汗水腫陽氣
虛憊小便頻數失精絕子疝瘕婦人產後惡露不行胎
衣不下月事不調血結成塊子門腫痛不端小腹苦寒
陰痿而黥陰痛恍惚尸厥飢不能食臨經行身羸瘦寒
熱轉脾不得尿婦人斷緒四度鍼即有子

關元○臍下三寸小腸之募足三陰任脉之會○紀者關
元也○素註刺一寸二分留七呼灸七壯又云鍼二寸

銅人鍼八分留三呼瀉五吸灸百壯止三百壯明堂煙
婦禁鍼若鍼而落胎胎多不出鍼外崑崙立出○主積
冷虛乏臍下絞痛流入陰中發作無時冷氣結塊痛寒
氣入腹痛失精白濁溺血暴疝風眩頭痛轉胞閉塞小
便不通黃赤勞熱石淋五淋洩利奔豚捨心婦人帶下
月經不通絕嗣不生胞門閉塞胎漏下血產後惡露不
止

石門

名利機一名丹田

名精露一名命門

○臍下二寸三焦募也○銅人

灸二七壯止二百壯甲乙鍼八分留三呼得氣即瀉千

金鍼五分下經灸七壯素註刺六分留七呼婦人禁鍼

禁灸犯之終身絕子○主傷寒小便不利淋不禁小腹絞

痛陰囊入小腹責脉捨心腹痛堅硬卒疝繞臍氣淋血

淋小便黃嘔吐血不食穀穀不化水腫水氣行皮膚小
腹皮數數然氣滿婦人因產惡露不止結成塊崩中漏

下

氣海

一名字快
各下有

臍下一寸半宛宛中男子生氣之海○

銅人鍼八分得氣即瀉瀉後宜補之明下灸七壯○主
傷寒飲水過多腹腫脹氣喘心下痛冷病面赤臍虛氣
憊真氣不足一切氣疾久不差肌體羸瘦四支力弱責
豚七疝小腸膀胱腎餘癥瘕結塊狀如覆杯腹暴脹按
之不下臍下冷氣痛中惡脫陽欲死大便不通小便赤
卒心痛婦人臨經行房羸瘦胸中赤白帶下月事不調
產後惡露不止繞臍疝痛悶著腰疼小兒遺尿○浦江
鄭義宗患滯下昏仆日上視漫注汗泄脈大此陰虛

暴絕得之病後酒色丹淫為灸氣海漸甦服人參膏數斤愈

陰交一名橫戶○臍下一寸當膀胱上口三焦之募任脉少陰

衝脉之會○銅人鍼八分得氣即瀉瀉後宜補灸百壯

明堂灸不及鍼日三七壯止百壯○主氣痛如刀攪腹

填堅痛下引陰中不得小便兩丸嚙疝痛陰汗濕癢腰

膝拘攣臍下熱鬼擊鼻出血婦人血崩月事不絕帶下

產後惡露不止繞臍冷痛絕子陰痒責脉上臍小兒陷

顛

神闕一名臍舍○當臍中○素註禁鍼鍼之使人臍中惡瘍潰

矢出者死不治灸三壯銅人灸百壯○主中風不甦久

冷傷敗臟府洩利不止水腫鼓脹腸鳴腹痛繞臍小兒

奶利不絕脫肛風癰角弓反張○徐平仲中風不甦桃
源簿爲灸臍中百壯始甦不起再灸百壯

水分○下脘下一寸臍上一寸穴當小腸下口至是而泌
別清濁水液入膀胱渣滓入大腸故曰水分○素註鍼
一寸銅人鍼八分留三呼瀉五吸水病灸大良又云禁
鍼鍼之水盡即死明堂水病灸七七壯止四百壯鍼五
分留三呼資生云不鍼爲是○主水病腹堅腫如鼓轉
筋不嗜食腸胃虛脹繞臍痛冲心腰脊急強腸鳴狀如
雷聲上冲心鬼擊鼻出血小兒陷顙

下脘○建里下一寸臍上二寸穴當胃下口小腸上口水
穀於是入焉足太陰任脉之會○銅人鍼八分留三呼
瀉五吸灸二七壯止二百壯○主臍下厥氣動腹堅硬

胃脹羸瘦腹滿六府氣寒穀不轉化不嗜食小便赤癢
塊連臍上厥氣動日漸瘦脉厥動飜胃

連里○中脘下一寸臍上三寸○銅人鍼五分留十呼灸
五壯明堂鍼一寸二分○主腹脹身腫心痛上氣腸中
咳嘔逆不嗜食

中脘

一名太倉

○上脘下一寸臍上四寸居心蔽骨與臍之中

胃之募手太陽少陽足陽明任脉之會上紀者中脘也

胃之募也○難經曰腑會中脘病治此○銅人鍼八分

留七呼瀉五吸疾出鍼灸二七壯止二百壯明堂日灸

二七壯止四百壯素註鍼一寸二分灸七壯○主五隔

喘息不止腹暴脹中惡脾疼飲食不進飜胃赤白痢寒

痺氣心痛伏梁心下如覆杯心膨脹面色痿黃天行傷

寒熱不已溫瘧先腹痛先瀉霍亂洩出不知食飲不化
心痛身寒不可俛仰氣發噎○東垣曰氣在於腸胃者
取之足太陰陽明不下取三里章門中脘又曰胃虛而
致太陰無所稟者於足陽明募穴中道引之

上脘

胃脘C巨闕下一寸當一寸五分去蔽骨三寸臍上

五寸上脘中脘屬胃絡脾足陽明手太陽任脉之會C

素註銅人鍼八分先補後瀉風癰熱病先瀉後補立愈

日灸二七壯至百壯未愈倍之明下三壯○主腹中雷

鳴相逐食不化腹疔刺痛霍亂吐利腹痛身熱汗不出

飢胃嘔吐食不下腹脹氣滿心忪驚悸時嘔血痰多吐

涎奔豚伏梁三虫卒心痛風癰熱病馬黃黃疸積聚堅

大如盤虛勞吐血五毒唾不能食

巨關○鳩尾下一寸心之募○銅人鍼六分留七呼得氣
即瀉灸七壯止七七壯○主上氣欬逆胸滿短氣背痛
胸痛痞塞數種心痛冷痛蛔虫痛蠱毒瘉鬼胸中痰飲
先心痛先吐霍亂不識人驚悸腹脹暴痛恍惚不止吐
逆不食傷寒煩心喜嘔發狂少氣腹痛黃疸急疸急疫
咳嗽抓疝小腹痛噫煩熱雨中不利五藏氣相干卒心
痛尸厥○妊娠子上衝心昏悶刺巨關下鍼令人立甦
不悶次補合谷瀉三陰交胎應鍼而落如子手掬心生
下手有鍼痕頂母心向前人中有鍼痕向後枕骨有鍼
痕是驗

按十四經發揮云凡人心下有膈膜前齊鳩尾後齊
十一椎周圍著脊所以遮隔濁氣不使上熏心肺是

心在膈上也難產之婦若子上衝至膈則止兒之在腹指未就執物尚堅握而不伸者又有胞衣聚之豈能破而掬心哉心爲一身之主神明出焉不容小有所犯豈有被衝掬而不死哉蓋以其上衝近心故云爾如胃脘痛曰心痛之類是也學者不可以辭害意

鳩尾

一名尾翳一名鵠尾

○蔽骨之端在臆前蔽骨下五分人無蔽

骨者從岐骨際下行一寸曰鳩尾者言其骨垂下如鳩尾形脉之別○銅人禁灸灸之令人永世少心力大妙手方可鍼不然鍼取氣多令人夭鍼二分留三呼瀉五吸肥人倍之明堂灸三壯素註不可刺灸○主息責熱病偏頭痛引目外眥噫喘喉鳴胸滿欬嘔喉痺咽腫水漿不下癰癩狂走不擇言語心中氣悶不喜聞人語欬

唾血心驚悸精神耗散少平房多短少氣○又靈樞經云膏之原出於鳩尾

中庭○臆中下一寸六分陷中○銅人灸五壯鍼三分明堂灸三壯○主胸脇支滿噎塞食飲不下嘔吐食出小兒吐奶

臆中

元一名

○玉堂下一寸六分橫兩乳間陷中仰卧取

之○主

氣以分布除陽故爲臣使之官難經曰氣會

三焦

陳氏曰三焦當作上焦

一筋直兩乳間號曰氣病治此○銅

人禁鍼鍼之令人天明堂灸七壯止七七壯氣府論註

鍼三分灸五壯○銅人禁鍼鍼之令人天明堂灸七壯

止七七壯氣府論註鍼三分灸五壯○主上氣短氣欬

逆噎氣噉氣喉鳴喘嗽不下食胸中如塞心胸痛風痛

咳嗽肺癰唾膿嘔吐涎沫婦人乳汁少

玉堂_{王名}○紫宮下一寸六分陷中○銅人灸五壯鍼三

分○主胸膈疼痛心煩欬逆上氣胸滿不得息喘急嘔吐寒痰

紫宮○華蓋下一寸六分陷中仰而取之○銅人灸五壯

鍼三分明下灸七壯○主胸脇支滿胸膈骨痛飲食不下嘔逆上氣煩心欬逆吐血唾如白膠

華蓋○璇璣下一寸陷中仰而取之○銅人鍼三分灸五

壯明下灸三壯○主喘急上氣欬逆哮喘喉痺咽腫水

漿不下胸皮痛

璇璣○天突下一寸陷中仰頭取之○銅人灸五壯鍼三

分○主胸脇支滿痛欬逆上氣喉鳴喘不能言喉痺咽

癰水漿不下胃中有積

大突

一名天腫

在頸結喉下四寸死死中陰維任脉之會○銅

人鍼五分留三呼得氣即瀉灸亦得不及鍼若下鍼當
直下不得低手即五截之氣傷人短壽明堂灸五壯鍼
一分素註鍼一寸留七呼灸三壯○主面皮熱上氣欬
逆氣暴喘咽腫咽冷聲破喉中生瘡喉痛咯膿血瘡
不能言身寒熱頸腫哮喘喉中鳴翕翕如水雞聲胸中
氣鯁鯁俠舌縫青脉舌下急心與背相控而痛五噎黃
痺醋心多睡嘔吐癭瘤○許氏曰此穴一鍼四効九下
鍼後良久先脾磨食覺鍼動爲一効次鍼破病根腹中
作聲爲二効次覺流入膀胱爲三効然後覺氣流行入
腰後腎堂間爲四効矣

廉泉

舌本名

○頸下結喉下四寸中央仰而取之陰維任脉

之會

○素註低鍼取之鍼一寸留七呼銅人灸三壯鍼

三分得氣即瀉明堂鍼二分○主咳嗽上氣喘息嘔沫

舌下腫難言舌根縮急不食舌縱涎出口瘡

承漿

懸壺名

○唇稜下陷中開口取之大腸脉胃脉督脉任

脉之會

○素註鍼二分留五呼灸三壯銅人灸七壯止

七七壯明堂鍼三分得氣即瀉留三呼徐徐引氣而出

日灸七壯過七七停四五日後灸七七若一向灸恐足

陽明脉斷其病不愈停息復灸令血脉通宣其病立愈

○主偏風半身不遂口眼喎斜面腫消渴口齒疳蝕生

瘡暴瘡不能言難經曰任之爲病其苦內結男子爲七

疝女子爲寢聚

奇經陽蹻脉

陽蹻脉者起於跟中循外踝上行入風池其為病也令人陰緩而陽急兩足蹻脉本太陽之別合於太陽其氣上行氣并相還則為濡目氣不營則目不合男子數其陽女子數其陰當數者為經不當數者為絡也蹻脉長八尺所發之穴生於申脉以輔陽為郄本於僕參與足少陽會於居膠又與手陽明會於肩髃及巨骨又與手足太陽陽維會於臑俞與手足陽明會於地倉又與手足陽明會於巨膠又與任脉足陽明會於承泣凡二十穴

申脉

足外踝下屬太陽經輔陽上外踝

僕參

眼骨上

居膠

章門下

肩髃

肱骨端

巨骨

肱骨端

臑俞

肩髃後甲骨上應

地倉

口旁

巨膠

鼻兩

承泣

目下七分

已上諸穴陽蹻脉病者宜刺之

陰蹻脉

陰蹻脉者亦起於跟中循內踝上行至咽喉交貫衝脉此
爲病者令人陽緩而陰急故曰蹻脉者少陰之別別於然
谷之後上內踝之上直上陰循陰股入陰上循胸裏入缺
盆上出人迎之前入鼻屬目內眦合於太陽女子以之爲
經男子以之爲絡兩足蹻脉長八尺而陰蹻之郄在交信
陰蹻病者取此

然谷

足內

交信

內踝

陰蹻脉病取之二穴刺之

奇經衝脉

衝脉者與任脉皆起於胞中上循脊裏爲經絡之海其浮

於外者循腹上行會於咽喉別而絡唇口故曰衝脉者起於氣衝並足少陰之經俠臍上行至胸中而散此為病令人逆氣而裏急難經則曰並足陽明之經以穴攷之足陽明俠臍左右各二寸而上行足少陰俠臍左右各五分而上行鍼經所載衝任與督脉同起於會陰其在腹也行乎幽門通谷陰都石關商曲盲俞中注四滿氣穴大赫橫骨九二十二穴皆足少陰之分也然則衝脉並足少陰之經明矣

幽門

通谷

陰都

石關

商曲

盲俞

中注

四滿

氣穴

大赫

橫骨

逆氣裏急者取諸此

陽維脉

陽維維於陽其脉起於諸陽之會與陰維皆維絡於身若陽不能維於陽則溶溶不能自收持其脉氣所發別於金門以陽交為郄與手足太陽及蹻脉會於臑俞與手足少陽會於天膠又會於肩井其在頭也與足少陽會於陽白上於本神及臨泣上至正營循於腦空下至風池其與督脉會則在風府及瘡門難經云陽維為病苦寒熱○此陽維脉氣所發九二十四穴

金門

足外下

陽交

外膝上

臑俞

肩後上

天膠

缺盆上

肩井

肩中

陽白

眉上

本神

眉上

臨泣

眉上

正營

目窠後

腦空

缺盆上

風池

頸後

風府

髮際

瘡門

風府後

已上穴苦寒熱者刺之

陰維脉

陰維維於陰其脉起於諸陰之交若陰不能維於陰則悵然失志其脉氣所發者陰維之郛名曰築賓與足太陰會於腹哀大橫又與足太陰厥陰會於府舍期門與任脉會於天突廉泉難經云陰維為病苦心痛此陰維脉氣所發九十二穴

築賓

上内踝

腹哀

下日月

大橫

下腹哀

府舍

下腹結

期門

下乳

天突

下結喉

廉泉

上結喉

已上穴苦心痛者刺之

帶脉

帶脉者起於季脇回身一周其為病也腰腹縱容如囊水

之狀其脉氣所發正名帶脉以其回身一周如帶也又與足少陽會於維道此帶脉所發九四穴

帶脉

在季肋下一寸八分

維道

已上穴病如上證者刺之

十五絡脉

手太陰之別名曰列缺

實則手銳掌熱瀉之虛則欠欬小便遺數補之

手少陰之別名曰通里

實則支滿瀉之虛則不能言補之

手心主七別名曰內關

實則節弛肘廢瀉之虛則生肱小如指痠亦補之

手太陽之別名曰支正

實則節弛肘廢無之虛則生肘小如指筋筋補之

手陽明之別名曰偏歷

實則齒齲滿之虛則齒齲隔補之

手少陽之別名曰外關

實則肘攣滿之虛則不收補之

足太陽之別名曰飛揚

實則軌窒頭背痛滿之虛則軌缺補之

足少陽之別名曰光明

實則厥瀉之虛則痿厥坐不能起補之

足陽明之別名曰豐隆

氣逆則痰痺卒疝實則狂癲瀉之虛則足不收脛枯補

之

足太陰之別名曰公孫

厥氣上逆則霍亂
只則腸中切痛瀉之虛則鼓脹補之

足少陰之別名曰大鍾

其病氣逆則煩悶
頁則閉癰瀉之虛則腰痛補之

足厥陰之別名曰蠡溝

其病氣逆則羸
九午痛實則挺長瀉之虛則暴寒補之

任脉之別名曰屏翳

實則腹皮痛瀉之
虛則癢搔補之

督脉之別名曰長強

實則脊強瀉之
虛則頭重補之

脾之大絡名曰大包

實則身重痛瀉之
虛則百節盡皆縱補之

九此十五絡者實則必見虛則必下視之不見求之上下人經不同絡脉異所別也

又按胃之大絡名曰虛里其動應衣脉宗氣也而不係於補瀉之列蓋中焦之氣盛衰而宗氣爲之盈縮取之二里以下其氣而宗氣之盈者消調之二里以補甘氣而宗氣之耗者滋則其氣未嘗不補瀉也特以非別走也他經故不在諸絡之例此所以舉豐隆而不屬虛里也歟

○十二原穴

三焦行於諸陽故置一俞曰原又曰三焦者水谷之道路原氣之所別使也主通行三氣經歷五藏六府原者三焦之尊號故所至輒爲原也

太淵

肺

包心

大陵

肝

太白

脾

太谿

腎

神門

陽池

三焦

京骨

膀胱

丘墟

膽

衝陽

胃

合谷

大腸

腕骨

按難經云五藏六府之

有病者皆取其原王海藏曰假

令補肝經於本經原穴

備一鍼太衝如瀉肝經於本經

原穴亦瀉一鍼餘倣此

自太淵至神門皆

俞自陽池至腕骨為原海藏皆

為十二原者豈五藏

無原以俞為原六府有原取原

而不取俞耶

五藏募穴

中府

肺之

巨闕

心之

章門

脾之

期門

肝之

中腕

胃之

按難經云陽病行陰故

募在陰部難經曰陰募東垣曰九

治腹之募皆為原氣不足從陰引陽勿候也又曰六淫客邪及上熱下寒筋骨皮肉血脉之病錯取於胃之合及諸腹之募者必危

五藏俞穴

氣由心肺脾肝腎之輸言經

肺俞

三椎下各一寸半

心俞

五椎下各一寸半

肝俞

九椎下各一寸半

脾俞

十一椎下各一寸半

腎俞

十四椎下各一寸半

按難經云陰病行陽

陽皆為

故令俞在陽

皆在背

○東垣

曰天外風寒之邪乘中而入在人之背上府俞藏俞是

人之受天外風邪亦有二說中於陽則流於經此病始

於外寒終歸外熱以故治風寒之邪治其各藏之俞

八會

府會中院

藏會章門

筋會陽陵泉

髓會腰脊

血會焉俞 骨會大杼 脉會大淵 氣會臍中

難經云熱病在內者取會之氣穴也

五藏六府并榮俞原經合

肺 心 肝 脾 腎 心包絡

井 木 少商 少衝 大敦 陷白 湧泉 中衝 春刺

榮 火 魚際 少府 行間 大都 然谷 勞宮 夏刺

俞 土 太淵 神門 大衝 太白 太谿 太陵 季夏

經 金 經渠 靈道 中封 商丘 復溜 間使 秋刺

合 水 尺澤 少海 曲泉 陰谿 泉陰谷 曲澤 冬刺

大腸 小腸 膽 胃 膀胱 三焦

井 金 商陽 少澤 竅陰 厲兌 至陰 閉衝 所出

榮 水 二間 前谷 俠谿 內庭 通谷 液門 所出

原缺

騎竹馬法

治癰疽惡瘡發背男左女右臂腕中橫文起用薄篾一條
量至大指齊肉盡處不量爪甲截斷以用薄篾取前同身
一寸則子令病人脫去上下衣服以大竹扛一條跨定兩
人隨徐扛起足要離地五寸許兩旁更以兩人扶定毋令
動搖不穩却以前長篾貼定竹扛豎起從尾骶骨貼脊量
至尾盡處以筆點記此不是穴却用後取同身寸篾取兩
寸平指自中橫量兩頭各一寸方是灸穴可灸三壯

依此量穴在督脉脊中至陽筋束二穴中外太陽行背
二行兩俞肝俞之內非正當穴也疑必後人傳訛以三
寸爲二寸耳豈有不得正穴徒破好肉而能愈病哉此

不能無疑也

四花穴

崔知悌云灸膏肓勞熱灸四花穴以稻稈心量口縫如何
關斷其多少以如此長裁紙四方當中剪小孔別用長稻
稈踏脚下前取脚大指爲止後取脚曲蹠橫文中爲止斷
了却環在結喉下垂向背後看稻稈止處卽以前小孔紙
當中安分爲四花灸紙角也可灸七壯

初疑四花穴古人恐人不識點穴故立此捷法當必有
合於五藏俞也今依此法點穴果合太陽行背二行兩
俞膽俞四穴難經曰血會兩俞疏曰血病治此蓋骨蒸
勞熱血虛火王故取此以補之膽者肝之府藏血故亦
取是俞也崔氏止書四花而不言兩膽俞四穴者爲粗

工告也今只依揣摩脊骨高俞騰俞爲正然人口有大
小闊狹不同故四花亦不準

灸勞穴

資生經云久勞其狀手足心熱盜汗精神困頓骨節疼痛寒
初發咳嗽漸吐膿血肌瘦面黃減食少力令身正直用草
子男左女右自脚中指小量過脚心下向上至曲秋大紋
處截斷却將此草自鼻尖量從頭正中分關頭心至脊以
草盡處用墨點記別用草一條令病人自然合口量闊狹
截斷却將此草於墨上點上平摺兩頭盡處量穴灸時隨
年多灸一壯如年三十灸三十一累効

依此量之其穴合五椎兩旁三寸心俞二穴也豈心主
血故灸之歟

取腎俞法

千金註云凡取腎俞者在平處立以杖子約量至臍又以此杖子當背脊骨上量之知是與臍平處也然後相去各寸半取其穴則腎俞也

按此法以臍準腎俞雖似然肥人腹垂則臍低瘦人腹平則臍平今不論肥瘦均以杖量之未有準也

竇氏八穴

或云少室隱者之所傳○劉氏曰八穴用爲輔治非拘於法取者也

公孫二穴

足太陰脾通衝脉合於心胃主治二十七證

九種心痛

心胃

痰滯凝悶

心胃

臍腹痛脹

三焦胃

脇肋疼痛

心脾

產後血迷

心主

氣隔食不下

小腸胃

泄瀉不止

大腸胃

弦氣疼痛

心胃

裏急後重 大腸 傷寒結胃 小腸心

水隔酒痰 肝胃 中滿不快及胃嘔吐 胃

腹脇脹滿痛 脾胃 腸風下血 大腸包絡

脫肛不收大人小兒 大腸肺 氣隔 心肺

食隔不下 胃脾 食積疼痛 胃脾

癖氣小兒食癖 小腸心主 兒枕痛婦人小兒 小腸三焦

酒癖 胃三焦 腹鳴 小腸胃

血刺痛 肝脾 小兒脾瀉 脾腎

瀉腹痛 大腸胃 胃中刺痛 心

瘧疾心痛 心包絡

右病公孫悉主之先取公孫後取內關

內關 二穴手厥陰心包絡道陰維主治二十五證

中滿不快

心胃

傷寒

心主

心胃痞滿

肝胃

吐逆不定

脾胃

胃滿痰隔

肺心

腹痛

胃

泄瀉滑腸

大腸

酒痰隔痛

心主

米穀不化

胃

橫豎痰氣

肝胃

小兒脫肛

大腸肺

九種心痛

心主胃

脇肋痛

肝膽

婦人血刺痛

心肝

腸鳴

大腸

積塊痛

肝

男子酒癖

脾肺

二膈并心下痞痛

心脾胃

氣膈食不下

胃心肺

腹肋脹痛

脾胃心主

腸風下血

大腸

傷寒結胃

胃

裏急後重

小腸

食膈不下

心主胃

痰癰寒熱 新添有影

右病證內關悉主之

臨泣

二穴此足臨泣也足少陽膽經通帶脉合於目上走耳後額頰缺盆肩髃主治二十五證

足跌腫痛

胃

手足麻

小腸三焦

手指顫掉

肝心主

赤眼冷淚

膀胱

咽喉腫痛

三焦

手足挛急

肝腎

脇肋痛

膽

牙齒痛

胃大腸

手足熱

胃心主

鮮利傷寒

膀胱

腿膝痛

膽

腳膝腫痛

胃肝

四肢不遂

膽

頭風腫

膀胱

頭頂腫

膀胱

浮風搔癢

肺

身體腫

腎胃

身體麻

肝脾

頭目眩

膀胱

筋牽骨痛

肝胃

頰頰痛

大腸

雷頭風

膽

眼目腫痛

肝心

中風手足不舉

腎

耳聾

腎膽

右件病證臨泣悉主之先取臨泣後取外關
外關 手少陽三焦經通陽維主治二十七證

肢節腫痛

腎

臂膊冷痛

三焦

鼻衄

肺

手足發熱

三焦

手指節痛不能屈伸

三焦

肩腋中痛

膀胱

手足疼痛

胃

產後惡風

腎胃

傷寒自汗

胃肺

頭風

膀胱

四肢不遂

膽胃

筋骨疼痛

肝腎

迎風淚出

肝

赤目疼痛

肝心

腰背腫痛

腎

手足麻痛并無力胃

眼腫

心

頭風掉眩痛膀胱

傷寒未熱

膀胱

破傷風肝胃

手臂痛

大腸三焦

頭項痛小腸

盜汗

心主

目翳或隱痛肝

產後身腫

胃腎

腰膝痛腎

雷頭風

膽

右病証外關悉主之

後谿

一穴手太陽經小指端通腎肺合於內腎項耳大指

手足挛急

肝

手足顫掉肝三焦

頭風痛

三焦膀胱

傷寒不解膀胱

盜汗不止

肺心

中風不語

經絡肝

牙齒痛

胃大腸

癰癩吐沫

胃

腰背強痛

腎

筋骨痛

肝胃

咽喉閉塞

腎肺胃

頰頰腫痛

胃小腸

傷寒項強或痛

膀胱

膝脛腫痛

腎

手足麻

胃

眼赤腫

肝心

傷寒頭痛

膀胱

表汗不出

肺胃

衝風淚下

肝膽

破傷風搐

肝

產後汗出惡風

肺

喉痺

肺肝

脚膝腿疼

胃

手麻痺

大腸

右病後谿穴主之先取後谿後取申脉

申脉足太陽膀胱經通陽橋主治二十五證

腰背強痛

膀胱

肢節煩痛

腎肝

手足不遂

胃肺

傷寒頭痛

膀胱

身體腫滿

胃

頭面自汗

胃

癰癧

肝

目赤腫痛

膀胱

傷風自汗

胃

頭風痺痛

膽

眉稜痛

膀胱

雷頭風

膽

手臂痛

大腸

臂冷

三焦

產後自汗

腎

鼻衄

肺

破傷風

肝

肢節腫疼

腎肝

腿膝腫痛

胃

耳聾

腎

手足麻

膽

吹灸

胃

洗頭風

膀胱

手足攣

肝腎

產後惡風

腎

右病申脉穴主之先取申脉後取後谿

列缺手太陰

肺經通任脉合肺及脾系實龍胃陽主治三

寒痛泄瀉

脾

婦人血積痛或敗血

肝

咽喉腫痛

胃

死胎不出及胎衣不下

肝

牙齒腫痛

胃大腸

小腸氣撮痛小腸

脇癖痛

肝肺

吐衄膿血

肺

咳嗽寒痰

肺

痰氣

胃

食噎不下

胃

臍腹撮痛

脾

心腹疼痛

脾

腸鳴下痢

大腸

痔瘡痛漏血

大腸

心痛溫痢

脾

產後腰痛

腎肝

產後發狂

心

產後不語

心包絡

米穀不化

脾

男子酒癖

胃肝

乳癰腫痛

胃

婦人血塊

肝腎

溫病不差

膽

吐逆不止

脾胃

小便下血

小腸

小便不通

膀胱

大便閉塞

大腸

大便下血

大腸

胃腸痛病

心胃

諸積穴主治

心胃

右病列缺悉主之先取列缺後取照海

照海

足少陰腎經通隔

主治二十七證

痰龍閉塞

胃

小便冷痛

腎肝

小便淋瀝不通

膀胱

婦人血暈

肝腎

膀胱氣痛

膀胱

胎衣不下

肝

臍腹痛

脾

小腹脹滿

小腸

腸辟下血

大腸

飲食不納反胃吐食

胃

男子癖并酒積

肺肝

腸鳴下痢腹痛 大腸

中滿不快

胃

食不化

胃

婦人血積

腎心

兕枕痛

胃肝

難產

腎肝

洩瀉

脾

嘔吐

胃

酒精

脾

痰氣

胃

氣塊

脾肝腎

酒痺

胃肝

氣膈

心主

大便不通

大腸

食勞黃

脾胃

足熱厥

心主

右病照海悉之先取照海後取列缺

若法先刺主證之穴隨病左右上下所在取之仍循捫道引按法祛除如病未已必求合穴未已則求之須要停針待氣使上下相接快然無其所苦而後出鍼

按此八穴治法溥博亦許學士所謂廣絡原野冀獲一免者也

子午流注膠穴開闔

膽甲日甲與乙合膽甲戌時竅陰膽井丙子時前谷榮○

戊寅時陷谷俞并過本原丘墟庚辰時陽谿經○壬午

時委中合○甲申時氣合三焦

肝乙日乙與庚合肝乙酉時大敦肝井丁亥時少府榮○巳丑時

脾辛卯時經渠經癸巳時陰谷合乙未血納包絡

小腸丙日丙與辛合小腸丙申時少澤井○戊

戌時內庭

胃榮

庚子時三間

大腸俞

過本原腕骨

原火

壬

寅時崑崙

膀胱

甲辰

時陽陵泉

丙午

時氣納三焦

心丁日

心引血

丁未時少冲

心井

巳酉時大都

脾辛亥

大淵

肺癸丑

時復溜

腎經

巳酉時曲泉

肝合

丁巳時血納三

焦

胃戊日

戊與胃合

引氣

戊午時厲兌

胃井

庚申時三間

榮

大壬戌時束骨

膀胱

過本原衝陽

土原

甲子時陽輔

經

丙寅時小海

合

戊辰時氣納三焦

脾巳日

脾與巳合

巳巳時隱白

脾井

辛未時魚際

榮癸酉

大谿

腎乙

亥時中封

經

下丑時少海

心合

巳卯時血納包

絡

大腸庚日

庚與乙合

大腸

中引庚辰時商陽

井

大腸

壬午時通

谷榮膀胱○甲申時臨泣○過本原合谷○丙戌時陽谷

經○小腸戊子時三里○胃庚寅時氣納三焦○支溝

肺辛日○丙與辛合肺○辛卯時少商○肺井癸巳時然谷○腎乙未

時太冲○肝丁酉時靈道○心巳亥時陰陵泉○脾辛丑時血

納包絡

膀胱壬日○丁與壬合膀胱○引氣出壬寅時至陰○井○甲辰

時俠谿○膽丙午時後谿○小腸過本原京骨○水原○在午火

丙子午相交戊申時解谿○胃庚戌時曲池○大腸壬子時氣納

三焦○在本

腎癸日○戊與癸合腎○癸亥時湧泉○井乙丑時行間○榮丁卯時

神門○心巳巳時商丘○經辛未時尺澤○腎合癸酉時血納包

絡

三焦

十二經之本生氣之原主通行榮衛經脈五臟六府

壬子時關冲

井

甲寅時

液門榮

丙辰時中渚

俞

過本原陽池

原

戊午時支溝經

庚申時天井

合

壬戌時氣入行

心包絡

心主與三焦為表裏

癸丑時中冲

井

乙卯時勞宮

榮

丁巳時

大陵

俞

巳未時間使

經

辛酉時曲澤

合

癸亥血入行

右子午流注開闔時原有方圓二圖今直錄之以便

記誦舊方圖以甲巳為九乙庚為八丙辛為七丁壬

為六戊癸為五子午為九丑未為八寅申為七卯酉

為六辰戌為五巳亥為四圓圖無此而缺三焦包絡

大抵書之有闕所以彰明其理耳今反晦之是以不

錄○竇氏井榮俞經合應日開闔有圖有說今人泥

其圖而不詳其說妄言今日某日某時某穴開九百

病皆鍼灸此開穴明日某日某時某穴開凡百病鍼灸明日開穴誤人多矣今去其圖直錄其說使人知某病宜鍼灸某經某穴當用某日某時開方鍼如東垣治前陰臊臭刺肝經行間用乙丑時矣又刺少冲則宜丁未日矣豈東垣治一病而首尾越四十三日刺兩穴哉此又不通之論也大抵醫自素難之下皆為旁谿曲徑非周行也

臟腑井榮俞經合主治

假令得弦脉病人善驚膽為清淨之府故爾面青善怒此膽病也若心下滿當刺竅陰井身熱當刺挾谿榮體重節痛刺臨泣俞喘寒熱刺陽輔經逆氣而洩刺陽陵泉合又總取丘墟原

假令得弦脉病人淋洩難轉筋四肢滿閉臍右有動氣此

肝病也若心下滿當刺大敦井身熱刺行間榮體重節

痛刺太衝俞喘嗽寒熱刺中封經逆氣而泄刺曲泉合

假令得浮洪脉病人面赤口乾喜笑此小腸病也若心下

滿刺少澤井身熱刺前谷榮體重節痛刺後谿俞喘嗽

寒熱刺陽谷經逆氣而泄刺小海合又總刺腕骨原

假令得浮洪脉病人煩心心痛掌中熱而腕脰上有動氣

此心病也若心下滿刺少衝井身熱刺少府榮體重節

痛刺神門俞喘嗽寒熱刺靈道經逆氣而泄刺少海合

假令得浮緩脉病人面黃善噫善思善味此胃病也若心

下滿刺厲兌井身熱刺內庭榮體重節痛刺陷谷俞喘

嗽寒熱刺解谿經逆氣而泄刺三里合又總刺衝陽原

假令得浮緩脉病人腹脹滿食不消體重節痛怠惰嗜卧

四肢不收當臍有動氣按之牢若痛此脾病也若心下

滿刺隱白并身熱刺大都榮體重節痛刺太白俞喘嗽

寒熱刺商丘經逆氣而泄刺陰陵泉

假令得浮脉病人面白喜噦悲愁不樂欲哭此大腸病也

若心下滿刺商陽并身熱刺二間榮體重節痛刺三間

俞喘嗽寒熱刺陽谿經逆氣而泄刺曲池合又總刺合

谷

假令得浮脉病人喘嗽洒淅寒熱臍右有動氣按之牢若

痛此肺病也若心下滿刺少商并身熱刺魚際榮體重

節痛刺太淵俞喘嗽寒熱刺經渠經逆氣而泄刺尺澤

合

假令得沉遲脉病人面黑善恐久此膀胱病也若心下滿

刺至陰井身熱刺通谷榮體重節痛刺束骨俞喘嗽寒

熱刺崑崙經逆氣而泄刺委中合又通刺京骨原

假令得沉遲脉病人逆氣小腹急痛泄如下重足脛寒而

逆此腎病也若心下滿刺湧泉井身熱刺然谷榮體重

節痛刺太谿俞喘嗽寒熱刺復溜經逆氣而泄刺陰谷合

此五臟六府井榮俞經合刺法深得素難之旨學者

不可不知

十二經是動所生病補瀉迎隨

經曰十二經病盛則瀉之虛則補之熱則疾之寒則留

之不盛不虛以經取之又曰迎而奪之隨而濟之又曰

虛則補其母實則瀉其子難經曰經脉行血氣通陰陽

以榮於身者也其始寅時從中焦注手太陰肺陽明大腸

外陽明注足陽明胃太陰脾太陰注手少陰心太陽膀胱

未太陽注足太陽膀胱少陰腎少陰注手心主心少

陽三焦少陽注足少陽膽厥陰肝厥陰復注於手太陰

如環無端轉相灌漑又曰迎隨者知榮衛之流行經脉

之往來隨其順逆而取之又曰所出為井所留為榮所

注為俞所行為經所入為合又曰井者東方春也萬物

之始生故言井合者北方冬陽氣入藏故言合舉始終而言經

俞在氣又曰諸井者肌肉淺薄不足為使也刺井當刺

榮謂氏曰補又曰原者三焦之尊號五藏六府有病皆

取其原又曰瀉南方補北方今本素難發揮於左員機

之士必以為贅姑以私備參爾

十二經病并榮俞經合補虛瀉實

手太陰肺經屬辛金起中府終少商多氣少血寅時注此

是動病

邪在氣動肺脹膨而喘咳缺盆中痛甚則交

兩手而臂是謂臂厥

所生病

邪在血而生病咳嗽上氣喘喝煩心胸滿臑臂內

前廉痛人無氣盛有餘則有背痛風寒

字疑寒汗出中風小便數而欠寸口大三倍於

人迎○虛則有背痛寒少氣不足以息溺色

變卒遺失無度寸口反小於人迎也

補虛則

用卯時隨而大淵穴在掌後隔中為經土土生

瀉盛則

用寅時迎而尺澤穴在肘中約紋動脈中

手陽明大腸經屬庚金起商陽終迎香氣血俱多卯時注

是動病

齒痛頰腫是生津

所生病

目黃口乾飢飢咽痺肩前膈痛六指次

用

氣有餘則當脉所過者熱腫人迎大三倍於寸

二

虛則寒慄不復人迎反小於寸口也

補用辰時

曲池

穴在肘外髁骨屈肘時肱骨之中拱

瀉用卯時

二間

穴在食本即前內側陷中為榮水

足陽明胃經屬戌土起承泣終厲兌○氣血俱多辰時氣

血注此

是動病

洒洒然振寒善伸數欠顏黑病至惡人與火

聞木音則惕然而驚心動欲獨閉戶牖而處

甚則欲上高而歌棄衣而走貢嚮腹脹是謂

肝厥主血

所生病

任瘕溫淫汗出熱衄口喎唇胗喉痺大腹水

腫膝膈臃痛積留乳氣衝膝伏菟筋外蕪足

跗上皆痛中指不用○氣盛則身已前皆熱

其有餘於胃則消穀善饑溺色黃人迎大三

倍於寸口○氣不足則身已前皆寒慄胃中

寒則脹滿人迎及小於寸口也

補用巳時

解谿穴在中陽後一寸五分陷下陷中

瀉用辰時

厲兌穴在足大指次指去甲如韭葉為

足太陰

經屬巳土起隱白終周榮多氣少血巳時氣血

注此

是動病

舌本強食則嘔胃脘痛腹脹善噫得後出

氣則快然如哀身體皆重是主脾

所生病

舌本痛體不能動搖食不下煩心心下急痛

寒瘕瘡瘕泄水閉黃疸不能卧強立膝股內

腫厥足大指不用○盛者寸口大三倍於人

迎虛者寸口小三倍於人迎也

補用

午時

大都

穴在足大指本節後陷中為榮火

瀉用

巳時

商丘

穴在足內踝下幾前陷中為經金

手少陰心

經屬火起極泉終少冲多血少氣午時注此

是動病

噤乾心痛渴而欲飲是為臂厥主心

所生病

目黃脇痛臍臂內後廉痛厥掌中熱○盛者

寸口大再倍於人迎○虛者寸口反小於人

迎也

補用

時 少冲 在手小指內應端去爪甲如韭

補其

瀉用

時 靈道 穴在掌後一寸五分為經金上生

手太陽

經屬丙火起少澤終聽官多血少氣未時注

此

是動病

噎痛頰腫不可回顧肩似拔膈似折是主液

所生病

耳聾目黃頰腫頸頰肩膈肘臂外後廉痛○

盛者人迎大再倍於寸口○虛者人迎反小

於寸口也

補用

時 後谿 穴在手少指外則本節後陷中為

用

時 小海 穴在手小指內大骨外肘端五分陷中

足太陽膀胱經屬壬水起睛明終至陰多血少氣申時注

此

是動病

頭痛似脫項似拔脊痛腰似折髀不可以曲

膈如結喘似裂是為蹠厥是主筋

所生病

痔瘡在顙頭顙頂痛目黃淚出軌衄項背腰

尻膈脚皆痛小指不用○盛者人迎大升

倍於氣口虛者人迎反小於氣口也

補

用酉時

至陰

穴在足小指外側去爪甲角如韭葉為井金生木為母虛則補母

瀉

用申時

束骨

穴在足小指外側本節後陷中為俞水水生木為子實則瀉其子

足少陰腎經

屬癸水

起湧泉終俞府

多血少氣酉

時注此

是動病

饑不欲食面黑如炭色欬唾則有血喝喝而

喘坐而欲起目眦眦然如無所見心如懸饑
狀氣不足則善恐心惕然如人將捕之是謂
骨厥是主腎

所生病

口熱舌乾咽腫上氣嗌乾及痛煩心心痛黃

疸腸辟脊股內後痠痛痿厥嗜卧足下熱而
痛○盛者寸口大再倍於人迎虛者寸口反

小於人迎也

補用戌時

復溜

穴在足內踝上二寸動脈陷中為經金生水虛則補其母

瀉用酉時

湧泉

穴在足心陷中為井水生木木為水之子實則瀉其子

子厥陰心包絡經

配腎

火起天池終中冲多血少氣戌

時注此

是動病

手心熱臂肘掌痛腋腫甚則胃脇支滿心中

澹澹大動面赤目黃善笑不休是主心包絡

所生病 煩心心痛掌中熱○盛者寸口大三倍於人

迎虛者寸口反小於人迎

補用亥時 中冲穴在手中心指端去爪甲如韭葉為

氏曰并者肌肉淺薄不足為使也補并者當

瀉用戌時 大陵穴在掌後兩筋間陷中為俞土火

手少陽三焦經 屬相火 起關冲終絲竹 多氣少血

亥時注此

是動病 耳聾耳鳴渾渾焯焯咽腫喉痺是主氣

所生病 汗出目銳皆痛頰痛耳後肩臑肘臂外皆痛

小指次指不用○盛者人迎大一倍於寸口

○虛者人迎反小於氣口也

補用子時中渚穴在手小指次指本節後指間為

瀉用亥時天井穴在肘外大骨後上一寸兩筋間

又手按膝頭取之兩筋骨罅為合土火生土為子實則瀉其子

足少陽膽經 屬甲木 起瞳子窮終竅陰多氣少血子

時注此

是動病 口苦善太息心脇痛不能轉側甚則面微有

塵體無膏澤足外反熱是為陽厥是主骨

所生病 頭角頷痛目銳皆痛缺盆中腫痛液下腫馬

刀挾癭汗出振寒瘡胗中脇筋髀膝外至脛

絕骨外踝前及諸節皆痛小指次指不用○

盛者人迎大三倍於寸口○虛者人迎反小

於寸口也

補用丑時

挾溪穴在足小指次指岐骨間本節前

丘墟穴在足外踝下去臨泣三寸為原皆取

瀉用子時

陽輔穴在足外踝上四寸輔前骨絕骨端去丘墟七寸為經火木生火為

子實則瀉子

足厥陰肝經

屬乙木起大敦終期門多血少氣丑時注

此

是動病

腰痛不可俛仰丈夫癰疝婦人小腹腫甚則

嗌乾面塵脫色是主肝

所生病

胸滿嘔逆洞泄狐疝遺溺癰閉○盛者寸口

大一倍於人迎○虛者寸口反小於人迎也

補用寅時

曲泉

穴在膝內輔骨下大筋上小筋下陷中屈膝得之在膝橫文頭是為

合水水生木為母虛則補其母

瀉

用丑時

行問

穴在足大指間動脈應手爲榮火

七

木生火爲子實則瀉其子

右鍼法并榮俞經合補瀉皆本素難也

○東垣鍼法

東垣鍼法悉本素難近世醫者止讀王龍金鍼標由等歌賦而於先立之所以垂教者廢而不講宜其鍼之不如若而病之不易廖也茲故表而出之引伸觸類應用不窮矣

東垣曰黃帝鍼經胃病者胃腕當心而痛上支兩脇膈咽不通飲食不下取三里以補之

脾胃虛弱感濕成痿汗大泄妨食

三里氣街以三棱

鍼出血若汗不減不止者於三里穴下三寸上蒸穴出

血禁酒濕麵

東垣曰黃帝鍼經云從下上者引而去之上氣不足推而
揚之蓋上氣者心肺上焦之氣陽病在陰從陰引陽去
其邪氣於腠理皮毛也又云視前痛者當先取之是先
以繆刺瀉其經絡之壅者爲血凝而不流故先去之而
治他病

東垣曰胃氣下溜五藏氣皆亂其爲病互相出見黃帝曰
五亂刺之有道乎岐伯曰有道以來有道以去審知其
道是謂身寶帝曰願聞其道岐伯曰氣在於心者取之
手少陰心主之輸 神門大陵同精導氣以復其本位
氣在於肺者取之手太陰榮足少陰輸 魚際大淵○成
痿者以導濕熱引胃氣出陽道不令濕土尅腎其穴在
大谿

氣在於腸胃者取之足太陰陽明不下者取之三里章門中脘三里○因足太陰虛者於募穴中導引之於血中有一說臍輸去臍病也胃虛而致太陰無所稟者於是陽明之募穴中引導之如氣逆爲霍亂者取三里氣下乃止不下復始

氣在於頭取之天柱大杼不足取之足太陽榮輸○通谷深束谷深○先取天柱大杼不補不瀉以導氣而已取足太陽膀胱經中不補不瀉深取通谷束谷丁心火已脾土穴中以引導去之

氣在於臂足取之先去血脈後取其陽明少陰之榮輸○二間三間深取之內庭陷谷深取之○視其足臂之血絡盡取之後治其痿厥皆不補不瀉從陰深取引而上

之上者出也去也皆陰火有餘陽氣不足伏匿於地中者榮血也當從陰引陽先於地中升奉陽氣次瀉陰氣乃導氣同精之法

帝曰補瀉奈何曰徐入徐出謂之導氣補瀉無形謂之同精是非有餘不足也亂氣之相逆也帝曰允乎哉道明乎哉問請著之玉版命曰治亂也

東垣曰陰病治陽陽病治陰陰陽應象論云審其陰陽以別柔剛陽病治陰陰病治陽定其血脈各守其鄉血實宜決之氣虛宜掣引之○夫陰病在陽者是天外風寒之邪乘中而外入在人之背土腑膈膈膈是人之受天外寒邪亦有二說中於陽則流於經此病始於外寒終歸外熱故以治風寒之邪治其各臟之俞非止風寒而

已六淫濕暑燥火皆五藏所受乃筋骨血脉受邪各有背上五臟腧以除之傷寒一說從仲景中八風者有風論中暑者治在背上小腸俞中濕者治在胃俞中燥者治在大腸俞此皆六淫客邪有餘之病皆瀉其背之腧俞若病久傳變有虛有實各隨病之傳變補瀉不定只治在背腧俞○另有上熱下寒經曰陰病在陽當從陽引陰必須先去絡脉經隧之血若陰中火旺上騰於天致六陽反不衰而上充者先去五藏之血絡引而下行天氣降下則下寒之病自去矣慎勿獨瀉其六陽此病陽亢乃陰火之邪滋之只去陰火只損脉絡經隧之邪勿悞也陽病在陰者病從陰引陽是水穀之寒熱感則害人六腑又曰飲食失節及勞役形質陰火乘於坤工

之中致穀氣氣清氣胃氣元氣不得上升滋於六腑
之陽氣是五陽之氣先絕於外外者天也下流伏於坤
土陰火之中皆先由喜怒哀憂恐爲五賊所傷而後胃
氣不行勞役飲食不節繼之則元氣乃傷當從胃合三
里穴中推而揚之以伸元氣故曰從陰引陽若元氣愈
不足治在腹上諸腑之募穴若傳在五藏爲九竅不通
隨各竅之病治其各藏之募穴於腹故曰五藏不平乃
六腑元氣閉塞之所生也又曰五藏不和九竅不通皆
陽氣不足陰氣有餘故曰陽不勝其陰凡治腹之募皆
爲元氣不足從陰引陽勿悞也若錯補四末之腧錯瀉
四末之餘錯瀉者差尤甚矣按岐伯所說只取穴於天
上天者人之背上五藏六腑之俞豈有生者乎與言

及此寒心切骨若六淫客邪及上熱下寒筋骨皮肉血脉之病錯取穴於胃之合及諸腹之募者必危亦岐伯之言下工豈可不慎哉

東垣曰三焦元氣衰王黃帝鍼經云上氣不足腦爲之不滿耳爲之苦鳴頭爲之傾目爲之瞑中氣不足溲便爲之變腸爲之苦鳴下氣不足則爲痿厥心僂補足外踝留之

東垣曰一富者前陰臊臭又因連日飲酒腹中不和求先師治之曰夫前陰足厥陰之脉絡循陰器出其挺末凡臭者心之所主散入五方爲五臭入肝爲臊此其一也當於肝經中瀉行間是治其本後於心經中瀉少冲乃治其標

○治例

傷寒

發熱

風寒客於皮膚陽氣怫鬱所致此表熱也陽氣下陷入陰分蒸薰此裏熱也

汗不出悽悽惡寒取玉枕大杼肝俞兩脅間道○身熱惡寒後谿○身熱汗出足厥冷取大都○身熱頭痛食不下取三焦俞○汗不出取合谷後谿陽池厲兌解谿風池○身熱而喘取三間○餘熱不盡取曲池○煩滿汗不出取風池命門○汗出寒熱取五處攢竹上腕○煩心好嘔取巨闕商丘○身熱頭痛汗不出取曲泉○身熱進退頭痛取神道關元懸顙

經上出

六脉沉細一息二三至多氣海關元○少陰發熱灸大谿惡寒

有熱惡寒者發於陽無熱惡寒者發於陰

背惡寒口中和多關元

惡風

有汗爲中風衛病無汗惡風爲寒傷榮

先刺風池風府却與桂枝葛根湯

胃脇滿

邪氣自表傷裏必先自胃脇以次入心腹胃

胃脇滿並譫語刺期門

結胃

臧氣閉而不流布也按之痛爲小結不按自痛爲

大結

刺期門 刺肺俞婦人因血結胃熱入血室刺期門

○又以黃連巴豆七粒作餅子置臍中以火灸之得利爲度

欬逆

胸中氣不交也水火相搏而有聲故欬逆也

刺期門

小腹滿

物聚而滿上爲氣下爲溺與血小腹硬小便自利其人如狂血證也當出不出積而爲滿

中疝腹虛脹或腹中急痛刺括委中或奪命穴等處

煩躁

邪氣在裏煩爲內不安躁爲外不安

傷寒六七日脉微手足厥冷煩躁灸厥陰俞穴

畜血

熱毒流於下而瘀血者

少陰證下利便膿血者可刺○陽明病下血譫語必熱入血室頭汗出者當刺期門

嘔吐

表邪傳裏裏氣上逆則爲嘔吐

口中和脉微澀溺皆灸厥陰○脉經千金翼林氏本曰灸厥陰五十壯

戰慄

戰者正氣勝慄者邪氣勝邪與正爭心戰而外慄

爲病欲解也

心氣內盛正氣太虛心慄而鼓額身不戰者已而遂成寒逆者宜灸之

四逆

四肢逆冷而不溫積涼成寒六府氣絕於外四肢手足寒冷足脛寒逆少陰也四肢厥冷身寒者厥陰也

四逆灸

氣海

腎俞

肝俞

厥

手足逆冷陽氣伏陷熱氣逆伏而手足冷也

刺

龐氏曰脉促而厥者灸之

胃

鬱爲氣不舒胃爲神昏不清即昏迷是也多虛極
乘寒所致或吐下使然

醫刺太陽少陽并病頭痛或胃悶如結胃狀當刺大推
第一間及肺肝二俞慎不可汗

自利

不經攻下自溏洩

利脉微澁嘔而汗出必更衣反小者當溫上灸之以消
陰

小便吐利手中不冷反發熱脉不至灸少陰太谿穴
少陰下利便膿血者可刺之宜通用之

熱入血室

男子由陽明而傷下血譫語婦人則隨經而入月
水適來邪乘虛入

七八日熱除而脉遲胃脘滿如結胃狀譫語此熱入血室
刺期門用甘草芍藥湯不已刺隱白

霍亂

上吐下利揮霍撩亂邪在中焦胃氣不治陰陽乖
隔遂上吐下利躁擾煩亂也

乾霍亂或腹中急痛絞刺宜刺委中及絞一奪命穴

腹痛

有實有虛寒熱燥屎積積按之不痛爲虛痛爲實
合灸不灸令病人冷結久而彌困氣沖心而死

刺括委中穴

陰毒陰證

陰病盛則微陽消於上故沉重四肢逆冷臍腹築痛厥逆或冷六脉沉細

陰毒灸關元 氣海

太陽少陽併病

刺肺俞肝俞○如頭痛刺大椎

小便不利

邪畜於內津液不行

陰寒甚下閉者灸之○陰證小便不利必陰囊縮入小腹痛欲死者灸石門

不仁

不柔和痺痛寒熱皆不知正氣爲邪氣閉伏鬱而

不散血氣虛少故也

若越人入診號太子尸厥以鬻胃不仁為可治刺之而濟
死者神醫之診也設脉浮洪汗如油喘不休體不仁越人
其能治哉已上見劉氏傷寒治

雜病

風

大率主血虛氣虛火與濕多痰

中風神闕風池百會曲池翳風風市環跳肩髃皆可灸之
以鑿竅疎風又鍼以道氣

寒

見傷寒

陰寒及陷下脉絕者宜灸之

發熱

有寒潮熱煩熱往來熱

熱病汗不出

商陽

合谷陽谷

俠谿

厲兌

勞官

腕骨以導氣○熱無度不止陷谷血以洩熱

腹痛

有實有虛有寒氣滯死血積熱風濕痰驚疾食滯

痧疔

實痛宜刺瀉之大衝

三陰交大白

大淵

大陵

邪客經絡藥不能及者宜灸

氣海

關元

中腕

頭痛

有風風熱痰濕寒真頭痛手足青至節死不治

灸疎散寒

鍼

脉浮刺腕骨

京骨

脉長合骨

衝陽 脉弦陽也 風府 風池

腰痛

氣虛血虛腎病風濕濕熱寒氣滯

血滯於下委中出血○灸腎俞 崑崙 又用附子尖烏
頭尖南星麝香雄黃樟腦丁香煉蜜丸薑汁化開成膏放
手內烘熱摩之

脇痛

肝火盛木氣實有死血痰注肝急

鍼丘墟 中瀆

心痛

有風寒氣虛食積熱

鍼大谿 然谷 尺澤 行間 建里 大都 太白

中脘 神門 湧泉

牙疼

主血熱胃口有熱風寒濕熱虫蛀

合谷 內庭 浮白 陽白 三間

眼目

肝氣實風熱痰熱血瘀熱血實氣壅

絲竹空 上星 百會 攢竹 宣洩 痛者風池 合谷

張子和治眼目神庭 上星 前頂

灸太寒犯腦連及目痛或風濕相搏風邪皆可用有翳取
二間合谷○小兒疳眼灸合谷二穴各一壯

瀉痢

氣虛兼寒熱食積風邪驚邪熱濕陽氣下陷痰積

當分治瀉輕劑重

陷下則灸之脾俞 關元 腎俞 腹溜 腹哀 長強

大谿 大腸俞 三里 氣舍 中脘 白瘠大腸俞

赤小腸俞

瘡

有風暑山嵐瘴氣食老瘡瘡母寒濕痺五藏瘡五
府瘡

鍼合谷 曲池 公孫

灸不拘男女於大椎中第一節處先鍼後灸三七壯立効
或灸第三節亦可

欬嗽

風寒火勞痰肺脹濕

灸天突 肺俞 肩井 少商 然谷 肝俞 期門

行間 廉泉 扶突

鍼曲澤出立已前谷 面赤熱欬支滿 多睡三里

吐衄血

身熱是血虛血溫身熱者死不治

鍼隱白 脾俞 上脘 肝俞

下血

腸風多在胃與大腸

鍼隱白

灸三里

諸氣

怒則氣上驚則氣亂恐則氣下勞則氣散悲則氣

消甚則氣緩思則氣結

鍼以導氣

淋

屬熱熱結痰氣不利胞邪為寒老人氣虛

灸三陰交

小水不禁

灸陰陵泉 陽陵泉

喉痺

鍼合谷 湧泉 天突 豐隆

灸初起候灸之蓋亦鑿竅使外洩也頭腫鍼曲池穴

諸瘡

療癰瘡灸肩井 曲池 大迎

鍼緣唇瘡須去惡血

疝

有因寒因氣因濕熱痰積流下

灸大敦

三陰交

小腹下橫紋斜尖灸一壯

鍼大衝

大敦

跳骨

腳氣

有濕熱食積流注風濕寒濕

鍼公孫

衝陽

灸三里

痿

有濕熱有痰有無血而虛有氣弱有瘀血

鍼中瀆

環跳

須停待氣一二肘方可

灸三里 肺俞

喘

有痰氣虛陰虛

灸中府 雲門 天府 華蓋 肺俞

惡心

因痰熱虛

灸胃俞 幽門 商丘 中府 石門 胃俞 陽關

隔噎

因血虛氣虛熱痰火血積癖積

鍼天突 石關 三里 胃俞 胃脘 胃俞 水分

氣海 胃倉

水腫

皮水正水石水風水因氣濕食

刺胃倉 合谷 石門 水溝 三里 復溜 曲泉

四滿

鼓脹

氣脹寒脹脾虛中滿

鍼上脘 三里 章門 陰谷 關元 期門 行間

脾俞 懸鍾 承滿

頭眩

痰挾氣虛火動其痰

鍼上星 風池 天柱

痛風

風熱風濕血虛有痰

鍼百會 環跳

肩臂痛

痰濕爲主

灸肩髃 曲池

夢遺

專主濕熱相火

灸中極 曲骨 膏肓 腎俞

癰

俱是痰火不必分牛馬六畜

灸百會 鳩尾 上脘 神門 陽蹻發 陰蹻發

癰

感天地間穀厲之氣聲亞者難治

鍼委中出血二三合

黑紫疣瘡處亦去惡血

已上見劉氏雜病治例

瘡瘍

河間曰凡瘡瘍須分經絡部分血氣多少俞穴遠近從背
出者當從太陽五穴選用 至陰 通谷 束骨 崑崙
委中從髻出者當從少陽五穴選用 竅陰 夾谿 陽輔
陽陵泉從湧出者當從陽明五穴選用 厲兌 內庭
陷谷 衝陽 解谿 從腦出者則以絕骨一穴
腸癰纂要云千金灸法曲兩肘正肘頭銳骨灸百壯下膿
血而安武按河間瘡瘍止論足三陽而手足三陰三
陽未脩學者當引伸而觸類

○玉機微義

咳嗽

千金方曰寒欬肢欬刺足大冲心欬刺手神門脾欬刺足
太白肺欬刺手太淵腎欬刺足太谿膽欬刺足陽陵泉厥
陰欬刺手太陵○劉氏曰經有三焦而無心主此有心主
而無三焦然已發其秘矣惜乎胃大小腸膀胱欬及針治皆
畧之而不議○千金云欬者灸兩乳下黑白際各數十壯
卽差○又以蒲當乳頭周圍身令前後正中當脊骨灸
十壯○上氣欬逆嗽短氣氣滿食不下灸肺募五十壯○
上氣欬逆短氣風勞病灸脊脊井二百壯○上氣欬逆短氣
胃滿多唾唾惡冷痰灸肺俞五十壯

便血

寶鑑曰邪在五藏則陰脉不和不和則血留之結陰之病
陰氣內結不得外行無所稟滲入腸間故便血外灸中脘

三里氣海等穴○便血不止灸 勞宮 太白 會陽

欬逆

丹溪曰氣逆也氣自臍下直冲上出於口而作聲也人之陰氣依胃為養胃土傷損則木氣侮之陰為火乘不得內守木挾相火乘之故直冲清道而上出言胃弱者陰弱也
羅氏曰灸乳下一指男左女右與乳相直間陷中灸三壯
婦人屈乳頭向下盡處寶鑑曰病甚者灸二七壯○武按此穴名乳根也

薦風

丹溪曰是人受得天地間殺物之風以其酷烈暴悍可畏也不外乎陽明一經病機云灸承漿七壯灸瘡輕再灸瘡愈三灸之劉氏曰陽明任脉之會所以宜通血脉以散風

也○內經云數刺腫上出血○子和曰刺其面大脉出血如墨刺三次血色變每刺自額至頤針上下俱刺每隔一日一刺刺至二十餘日方已劉氏曰委中皆可出血同汗也

癇

劉氏曰此疾與中風顛狂小兒急慢驚相類原其所由或在母腹中受驚或因開大驚而得蓋小兒神氣尚弱驚則神不守舍含空則涎歸之或飲食失節脾胃有傷積為痰飲迷心竅治法必當尋火尋疾而治丹溪曰不必分六畜牛馬鷄犬大率主痰火

素古云晝發灸陽蹻夜發灸陰蹻各二七壯○千金方驚癇按圖灸之○一小兒四歲與長老念呪摩頂受記發搐

後見皂衣人卽發羅謙甫先與灸兩驕各二七壯次服沉香天麻湯

傷寒

陰厥脉絕氣海藏結陰汗不止腹脹腸鳴面黑指甲青

石關 關元宜灸百壯 陽陵泉 潔古曰煩滿囊縮者

灸此 太谿灸七壯治少陰皆利手足不冷反發熱脉不

至者○劉氏曰大抵不可刺者宜灸之一則沉寒痼冷二則無脉知陽絕也三則腹皮急而陽陷也舍此三者餘皆

不可灸○醫學發明云陷下則灸之天地間陰陽二氣而

已陽在外在上陰在內在下今言陷下者陽氣下陷入陰

血之中是陰反居其上而覆其陽脉證俱見寒在外者則

灸之異法方宜論云北方之人宜灸燭也爲火寒大旺伏

陽在內皆宜灸之以至理論則腎主藏藏陽氣在內冬三月主閉藏是也若太過則病固宜灸熇此陽明陷入陰水之中是也難經曰熱病在內取會之氣穴爲陽陷入陰中取陽氣通天之竅穴以火引火而通之此宜灸熇也若將有病一槩灸之豈不悞哉如仲景云微數之脉慎不可灸因火爲邪則爲煩逆追虛逐實血散脉中火氣雖微內攻有力焦骨傷筋血難復也又云脉浮宜以汗解用火灸之邪無從出因火而盛病從要以下必重而痺名火逆也脉浮熱甚而灸之此爲實實而虛虛治因火而動必咽燥唾血又云身之穴三百六十有五其三十九穴灸之有害七十九穴刺之爲災并中髓也此仲景傷寒例

按明堂鍼經條下所說禁忌明矣內經云脉之所見邪之

所在脉沉者邪氣在內脉浮者邪氣在表世醫只知脉之說而不知病證之禁忌若表見寒證身汗出常清數慄而寒不渴欲覆厚衣常惡寒手足厥皮膚干枯其脉必沉細而遲但有一二證皆宜灸之陽氣陷故也若身熱惡熱時見躁作或面赤黃咽乾噤乾口乾舌上黃赤時渴咽噤痛皆熱在外也但有一二證皆不宜灸其脉必浮數或但數亦不可灸灸之災害立生若有鼻不聞香臭鼻流清涕或欠或噓惡寒其脉必沉是脉證相應也或輕手得弦緊者是陰伏其陽也雖面赤宜灸之不可拘於面赤色而禁之也

瘡

元戎云凡人初覺發背自欲結未結赤熱腫痛先濕紙覆

其上立視候之其紙先乾處卽是結癰頭也取大蒜切成片如當三錢厚薄安於頭上用大艾炷之三壯卽換一蒜片痛者灸至不痛不痛灸至痛時方住最要早覺早灸爲上一日二日十灸七活三日四日六七活五六日三四活過七日則不可灸若有十數頭作一處生者卽用大蒜研成膏作薄餅鋪其上聚艾於蒜餅上燒之亦能活也若背脊上初發赤腫一片中間有一片黃粟米頭子便用獨蒜切去兩頭取中間半寸厚正安於瘡上看艾灸十四壯多至四十九壯又曰灸而不痛痛而後上其灸灸而不痛者先及其瘡所以不痛而後及良肉所以痛也灸而痛不痛而後止其灸灸而痛者先及其未瘡所以痛次及將瘡所以不痛也○劉氏曰此謂癰疽初發宜灸之也然諸瘡患久

成漏者常有膿水不絕其濃不臭內無歹肉尤宜用附子
浸透切作大片厚二三分於瘡上著艾灸之仍服內托之
藥隔三二日再灸之不五七次自然肌肉長滿矣至有濃
水惡物漸清根深者郭氏治用白麵疏黃大蒜三物一處
搗爛着瘡大小捻作餅子厚約三分於瘡上用艾炷灸二
十一壯一灸一易後隔四五日方用翠霞錠子并信効錠
子互相用之經入瘡內歹肉盡處好肉長平然後外貼收
斂之藥內服應病之劑調理卽差矣蓋不止宜灸於瘡之
始發也大抵始發宜灸要汗下補養之藥對證至灸冷瘡
亦須內托之藥切當設有反逆不唯不愈恐致轉生他病
也

元好問記云素飲酒於九月中患腦之下項之上出小瘡

後數日腦項麻木腫勢外掀瘍醫遂取五香連翹至八日
不下而云不可速療十八日得膿俟膿出用藥或砭刺三
月乃可平四月如故予記醫經云凡瘡見膿九死一生果
如其言則有束手待斃之悔矣乃請東垣診視且謂膏梁
之變不當投五香五香已無及當先用火攻之然後用藥
以大艾炷如兩核許者攻之至百壯乃覺痛次爲處方云
是足陽膀胱之經其病逆當及治以黃連消毒丸○身面
疣瘤寶鑑云灸九灸十壯卽用醋摩雄黃塗紙上剪如螺
蛸磨大貼灸處用膏藥重貼二日一易候癢折出昏如豈
粉愈

水氣

內經謂經脉滿則脉絡溢絡脉溢則繆刺之以調其絡脉

使形容如舊而不腫故曰繆刺其處以復其形謹按繆刺謂不分俞穴而刺之也水熱論刺水穴分大法水溢於表或腹脹或四肢雖腫而氣稍實脉浮洪者宜行此至病氣孤危脉微弱而四肢小氣盛實者今人往往謬刺之禍不旋踵蓋不審經言脉滿經溢謬刺之理也

腳氣

孫真人云古人無此疾自永嘉南渡衣冠之人多有之濕流足脛房事所致發明曰北方人飲酒酪濕熱之物所致有道以來有道以去治之以灸炳爲佳以導引濕氣出外又察足之三陰三陽是何經絡所起○楊太受云腳氣是爲壅疾當治以宣通之劑使氣不成壅旣成而盛者砭惡血而去其重勢經曰玄扈則腫熱砭射之也

喉痺

原病式曰痺不仁也俗作閉閉墜也火主腫脹故熱客上焦而咽噤腫脹也張戴人曰手少陰少陽二脉並於喉氣熱則內結腫脹痺而不通則死後人強立八名曰單乳蛾雙乳蛾單閉喉雙閉喉子舌脹木舌脹纏喉風走馬喉閉熱氣上行故傳於喉之兩旁近外腫作以其形似是謂乳蛾一爲單一爲雙也其比乳蛾差小者名閉喉熱結舌下復生一小舌名子舌脹熱結於舌中爲之腫名木舌脹木者強而不柔和也熱結於咽喉腫繞於外且麻且癢腫而大者名曰纏喉風暴發暴死者名走馬喉痺八名雖詳皆歸之火微者鹹軟之大者辛散之至於走馬喉痺生死人在反掌間砭刺出血則病已嘗治一婦人木舌脹其舌滿

口令以銚針銳而小者砭之五七度三日方平計所出血
幾盈斗○劉氏曰傷寒少陰病咽痛及生瘡不能言聲不
出者用甘苦辛溫制其標病以通咽喉至若傷寒伏氣內
發咽痛兼下利清穀裏寒外熱面赤脉微弱者用辛熱之
藥攻其本病以順陰陽利止則水升火降而咽痛自無也
此非雜病一陰一陽結爲喉之比不可妄施鍼砭及寒涼
之藥右是火熱喉痺急用吹藥點刺少商合谷豐隆湧泉
關冲等穴

淋閉

原病式曰淋小便澀痛也熱客膀胱鬱結不能滲泄故也
嚴氏曰氣淋者小便澀常有餘瀝石淋者莖中痛尿不得
卒出膏淋尿似膏出勞淋者勞倦卽發痛引氣冲血淋遇

熱卽發甚則瀉血劉氏曰大抵是膀胱蓄熱而成灸法炒
鹽不拘多少熱填滿病人臍中却用筋頭大艾炷七壯或
灸三陰交

眼目

東垣曰五藏上注於目而爲之精精之窠爲眼骨之精爲
黑眼血之精爲絡其窠氣之精爲白眼肌肉之精爲約束
裏攢筋骨血氣之精而與脉併爲系目者五藏六府之精
榮衛魂魄之所常營也神之所主也子和曰目之五輪乃
五藏六府之精華宗脉之所聚其白屬肺金肉屬脾土赤
屬心火黑水神光屬腎水兼屬肝木目不因火則不病白
輪變赤火乘肺也肉輪赤腫火乘脾也黑水神光被翳火
乘肝與腎也赤脉貫目火自甚也凡目暴赤腫起羞明隱

泄淚出不止暴寒目匡匡大熱之所爲也在針則神廷上
星顙會前頂百會翳者可使立退腫者可使立消惟小兒
不可刺顙會肉分淺薄恐傷其骨目之內眥太陽膀胱之
所過血多氣少目之銳眥少陽膽經血少氣多目之上綱
太陽經也亦血多氣少目之下綱陽明胃經也血氣俱多
然陽明經起於目兩旁交額中與太陰少陰俱會於目惟
足厥陰肝經連於目系而已故血太過者太陰少陰之實
也血不及者厥陰之虛也故出血者宜太陽陽明蓋此二
經血多故也少陽一經不宜出血血少故也刺太陽陽明
出血則目愈明刺少陽出血則目愈昏要知無使太過不
及以血養目而已雀目不能夜視及內暴怒大憂所致皆
肝血少禁出血止宜補肝養胃○劉氏曰內障有因於痰

熱氣鬱血熱陽陷陰脫營所致腫腫病因古人皆不議况
外障之翳有起於內背外背睛上睛下睛中當視其翳色
從何經而來如東垣治魏邦彥夫人目翳綠色從下而上
病自陽明來也綠非五色之正殆肺腎合而成病也乃就
畫家以墨調膩粉合成色與翳同矣如論治之疾遂不作
○眼生倒睫拳毛者兩目緊急皮縮之所致也蓋內復熱
陰氣外行當去其內熱并火邪眼皮緩則毛出翳膜亦退
用手法攀出內臉向外速以三稜針出血以左手爪甲迎
其針鋒立愈○目眦久赤爛俗呼爲赤瞎當以三稜鍼刺
目眦外以瀉濕熱而愈○劉氏曰外治鍼也以瀉瘀熱內
治服藥以杜其原可也○偷鍼眼視其背上有細紅點如
瘡以鍼刺破即差實鮮太陽之鬱熱也

腰痛

東垣曰經云腰痛上寒不可顧取足太陽陽明腰痛上熱取足厥陰不可俛仰取足少陽蓋足之三陽從頭走足足之三陰從足入腹經所過處皆能爲痛治之者當審其何經所過分野循其孔穴而刺之審其寒熱而藥之假令足太陽令人腰痛引項脊尻皆如重狀刺其郄中太陽二經出血餘皆倣此劉氏曰王註經中言灸疑誤灸者宜腎俞腰俞寶鑑云灸曲蹠下兩文頭左右脚四處各三壯每灸一脚二人齊下午時著灸人定以來臟腑自動一兩行或轉動如雷聲立愈

損傷

內經云人有所墮墜惡血留內腹中脹滿不得前後先飲

利藥此上傷厥陰之脉下傷少陰之絡刺足內踝下然骨之前出血刺足跗上動脉不已刺三毛各一痛見血立已左刺右右刺左○其脉堅强者生小弱者死

婦人

寶鑑曰一婦病傷寒遇夜則見鬼許學士曰得病之初曾值月經來否其家人曰經水方來而病作而遂止曰此熱入血室小柴胡已遲刺期門請善鍼者治之而愈○乳癰腫痛鍼三里穴五分其痛立止乳癰喉痺肝腫足跗不收灸下焦三壯

女子漏下惡血月事不調逆氣腹脹其脉緩者灸血海二穴三壯

女子如妊娠赤白帶下婦人漏血不止腹脹滿不得息小

便黃如蠱及治腰痛如錐刺不得屈伸舌縱涎下煩逆溺
難小腹急引陰痛股內熯痛灸陰谷二穴

女子不月灸會陰三壯○婦人月水不利難產子上衝心
痛不得息灸氣衝七壯○婦人目事不利利卽多心下滿
目眈眈不能遠視腹中痛灸水泉五壯○婦人月事不調
帶下崩中因產惡露不止繞臍耳痛灸氣海○婦人不及
月不調勻赤白帶下氣轉連背引痛不可忍灸帶脉二穴
○產後惡露不止及諸淋注灸氣海○產後兩脇急痛不
可忍灸石關五十壯○女子月事不調產後惡露不止繞
臍冷痛灸陰交百壯○帶下痠痠因產惡露不止斷產絕
下經冷灸關元百壯○婦人辛口禁語音不出風癩灸承
漿五壯○婦人產後血氣俱虛灸血海百壯○婦人疝氣

臍腹冷疼相引脇下痛不可忍先灸中廷三七壯

小兒

小兒針毛針灸柱如小麥或雀糞大

寶鑑曰急慢驚風灸前頂若不愈灸攢竹人中各三壯

武疑急驚屬肝慢驚屬脾寶鑑不分灸前頂攢竹二穴俱太陽督脉未詳其議

小兒慢驚風灸尺澤各七壯○初生小兒臍風撮口灸然谷三壯或針三分不見血立効○小兒癰癩癰瘰瘰癧脊強互相引灸長強三十壯○小兒癰癩驚盡目眩灸神庭一穴七壯○小兒風癰先曲手指如數物乃發也灸鼻柱直髮際宛宛中三壯○小兒驚癰先驚肺啼叫乃發灸後頂上旋毛中三壯及耳後青絲脉○小兒癰氣久不消灸章門各七壯臍後脊中灸二七壯○小兒脇下滿瀉痢體重四

肢不收痲痺積聚腹痛不嗜食痰癰寒熱又治腹脹引背
食飲多漸漸黃瘦灸十一椎下兩旁相去各一寸五分七
壯小兒黃疸灸三壯○小兒疳瘦脫肛體瘦渴飲形容瘦
瘁諸方不差灸尾翠骨上三寸陷中三壯兼三伏內用揚
湯水浴之正午時灸自灸之後用帛子拭見有疳虫隨汗
出此法神効○小兒身羸瘦責豚腹脹四肢懈惰肩背不
舉灸章門○小兒吐乳汁灸中庭一壯○小兒脫肛瀉血
秋深不効灸龜尾一壯○脫肛灸臍中三壯千金云隨年
壯○脫肛久不差及風癰中風角弓反張多哭語言不擇
發無時節盛則吐涎沫灸百會七壯

戒逆鍼灸

無病而先鍼灸曰逆
逆未至而迎之也

小兒新生無病不可逆針灸之如逆針灸則忍痛動其五

臍因喜成癰河洛關中土地多寒兒喜成瘕其生兒三日多逆灸以防之吳蜀地溫無此疾也古方旣傳之今人不分南北灸之多害小兒也所以田舍小兒任其自然得無夭橫也

秦承祖灸鬼法

鬼哭穴以兩手大指相並縛用艾炷騎縫灸之令兩甲角後肉四處着火一處不着則不効

按丹溪治一婦人久積怒與酒病癰目上視揚手躑足筋牽喉響流涎定則昏昧腹脹痛衝心頭至曾大汗癰與痛間作此肝有怒邪因血少而氣獨行脾受刑肺胃間有酒疾爲肝氣所侮而爲痛酒性喜動出入升降入內則痛出外則癰用竹瀝薑汁參朮膏等藥甚多癰痛

問作無度乘痛時灸大敦行間中腕間以陳皮芍藥甘
草川芎湯調膏與竹瀝服之無數又灸太冲然谷巨關
及大指甲肉且言鬼恠怒罵巫者舟溪曰邪乘虛而入
理或有之與前藥佐以荆瀝防痰又灸鬼哭穴哀告我
自去餘證調理而安